

# GRATIS AWE Mainta

OTMAR ODUBER  
e corant di Toko

## 'PIENSA EL LADRON QUE TODOS SON DE SU MISMA CONDICION'




**MIEMBRO** di Parlamento pa fraccion di AVP, Otmar Oduber a reacciona riba minister Booshi Wever cu lo a bisa, den su afan pa ataca hende, cu e si no ta mescos cu un tal Otmar ta usa nomber. Riba un base personal Otmar Oduber a splica Booshi Wever cu nunca "bo lo a haya un tal Otmar ta falsifica diploma, cobra placa pe y mi no sa si te dia di awe el a cobra placa pe. Esey ta un fact, esey el a wordo condena pe, esey ta preto riba blanco y e no por cambia esey

## A haya Kenneth Odor, pero morto, mata pa su propio yiu

For di algun dia atrás, famianan di Kenneth Odor a denuncia cu e ta perdi, y lo desea di por sa si e por ta na Aruba. Ya cu su famianan na Aruba, kende tabata biba den Companshi. Dia cu nan a perde, t'asina cu den oranan di mainta, el a sali for cas, cu dos otro persona, deconoci pa su famia na Valencia. Ayera tardi, nos a haya informacion, cu autoridadnan a hay'e, du dos tiro den su cabez, pero dera poco leu di su cas na Valencia. Según informacion haya, tin tur indicacion cu su propio yiu lo a asesiné y der'e. Autoridadnan policial a logra recupera e cadaver, pa sigui cu e investigacion. Kico a conduci pa su propio yiu a mat'e, no ta conoci pa nos.

## RECHERCHE MASHA OCUPA CU VARIOS DETENCION Y INVESTIGACION DEN CASNAN DI PUEBLO NA NOORD



**DESPUES** cu den fin di siman Recherchenan tabata hopi ocupa cu varios detencion y investigacion manera nos a bin ta informando for di ayera dialuna, esaki a sigui. Ayera mainta Recherche a bolbe sali y tabata ocupa te merdia. Asina nos por a mira algun imagen di e trabaonan andando riba 2 auto cu mesun number. Unda un biaha mas detencion di sospechosonan a cay. Tambe tumamento di auto y articulonan procedente di robo den beslag. Tur e dianan aki esaki ta tumando lugar n'e casnan di pueblo na Noord unda cu tin investigacion grandi andando relaciona cu un gran cantidad di kiebro y robo. Parce cu polis a cay den un neishi di ladron. No ta exclui cu mas hende lo bay sera.

## Autoridadnan tin un auto confisca pa investiga



**RELACIONA** cu e accidente fatal, cu ta muestra un "hit & run" riba e caminda di Tanki Leendert, polis di trafico hunto cu Recherche a sigui cu nan investigacion. Informacion cu nos a haya ta, cu ayera mainta, polis di trafico, a dicidi di confisca un auto, ya cu tin indicacion di sla, cu nan mester studia, y como tal a hiba esaki Warda di Polis na Balashi. Detencion no a cay ainda den e caso aki, pasobra manera menciona, tanten cu no haya nada concreto riba e auto, no por bisa cu t'e doño di e auto aki ta envolvi. Pero polisnan di trafico ta masha confia di soluciona e caso aki.



## Otmar Oduber na esnan di MEP

# ‘Piensa el ladron que todos son de su misma condicion’

**MIEMBRO** di Parlamento pa fraccion di AVP, Otmar Oduber a reacciona riba minister Booshi Wever cu lo a bisa, den su afan pa ataca hende, cu e si no ta mescos cu un tal Otmar ta usa nomber.

Riba un base personal Otmar Oduber a splica Booshi Wever cu nunca “bo lo a haya un tal Otmar ta falsifica diploma, cobra placa pe y mi no sa si te dia di awe el a cobra placa pe. Esey ta un fact, esey el a wordo condena pe, esey ta preto riba blanco y e no por cambia esey. Awor loke bo tin si ta un tal Otmar cu a gana 7 caso contra e gobierno aki, un tal Otmar cu gobierno mester a pague 40 mil florin di daño y perjuicio, un tal Otmar cu bo a persegui y

caminda cu e pueblo aki mester a paga miyones na oficina di abogadoan pa purba di macha nomber di hende drechi den e comunidad aki. Esey ta e tal Otmar cu en todo caso esnan di MEP cada bes ta referi na dje”. Despues di esaki el a referi na e campananan cu esnan di MEP riba e oficina cu a habri na Paradera. El a bisa cu den mente di hendenan di MEP, den mente di esnan cu cada bes ta rondona pa corrupcion no por pensa cu e pueblo aki tin hendenan cu voluntariamente ta traha pa habri un oficina di bario, nan no por pensa cu tin famianan akinan na Aruba cu ta dispuesto di duna libermente casnan, sin paga huur. Esaki contrario na cierto bar banda di stadion Fans

Figaroa cu diripiente a bira centronan di hubentud siendo cu pa 8 aña a lubida cu hubentud ta existi. “Diripiente por huur un lugar pa 80 mil florin pa habri un centro di hubentud cu nunca bo a percura pe, anto esey mi ta kere cu e expresion ta cuadra ‘el ladron piensa que todos son de la misma condicion’”.

Na final Otmar Oduber a sigura cu AVP semper a traha y biba den e comunidad aki scuchando kico ta e dolornan cu tin y hamas lo hayanan den temporada di eleccion ta bay paga 80 mil florin pa un lugar pa pretende di tin un comision pro un candidato di hubentud siendo cu pa 8 aña largo no a haci nada pa hubentud di Aruba.



Otmar Oduber:

## Sr. Marlon Werleman ta lubida cu su rol di cheerleader ta caba ora e mester haci trabou di Parlamento

**MIEMBRO** di partido AVP, Otmar Oduber a indica cu Sr. Marlon Werleman ta lubida cu e ta un miembro di Parlamento y cu su rol di cheerleader ta caba ora mester haci trabou di Parlamento. Riba e critica di partido MEP riba AVP cu no tabata presente na e conferencia di CATA, Oduber a bisa cu den esaki ta bon pa haya informacion, pero esaki ta na un nivel caminda wholesalernan ta discuti cu departamentonan riba kico ta e problematicanan cu nan ta confronta, kico ta e puntonan positivo cu nan a haya y cu por ta mester wordo amplia, pero no un discusion caminda cu Parlamento ta hiba un discusion cu ministernan. “Esey ta e diferencia cu Sr. Marlon Werleman no ta compronde!”, Motibo cu Otmar Oduber ta bisa esaki ta pasobra for di momento cu Sr. Werleman a asumi e responsabilidad di presidente di e comision fiho di turismo den Parlamento -cu antes si tabata reuni 4 biaha pa aña cu ATA den Parlamento caminda

cu hunto cu AHATA tabata discuti e puntonan cu nan como legislador por trese dilanti pa cu e discusionnan cu nan tin cu ministernan- practicamente no tin e encuentronan aki mas. Parlamentario Oduber ta bisa cu Sr. Werleman ta bay sinta na CATA caminda ta bebe, ta come, ta djodjo, pero caminda cu e mester haci su trabou, den sala di Parlamento ora a topa cu e gremionan no tabatin ni un pregunta di parti di esunnan cu ta sostene gobierno, no tabatin ni un pregunta di parti Sr. Werleman. “E ora mi ta puntra mi mes...no tin problema di turismo na Aruba?”. Mescos tabata e caso durante reunion cu MTBS caminda ta discuti riba futuro di Pais Aruba. Akiden tambe Sr. Werleman a sinta keto pa despues gaba cu tur cos ta bon, pero un huez di otro banda a tik riba dede di gobierno. “Mi ta kere Sr. Marlon Werleman mester compronde for once and for all, despues di 8 aña, si ainda bo no a siña cu un posicion di miembro di Par-



lamento no kieren cu bo ta un cheerleader cu tin cu lanta pompom, anto mi ta kere e ora ey cu pueblo na september no por elegibo mas, pasobra un representante di pueblo tin di haci su trabou den Parlamento, ey ta e caminda cu bo ta haci bo trabou”, Otmar Oduber a duna di conoce.

Continuando el a indica cu for di augustus nos turismo ta cayendo, sector hotelero ta lanta bandera cu e lo bira peor den e lunanan nos dilanti ora nos drenta e low season, anto ta tene un reunion caminda Banco Central ta haci su calculacionnan riba un caida di 5% y ATA hunto cu AHATA ta notifica otro

cu eigenlijk ta casi dobbel di loke ta calculando.

Banda di esaki, atrobe riba insistencia di AVP, dos siman pasa Parlamento a reuni cu sector laboral caminda a wordo reafirma cu ta wordo calcula cu Aruba lo perde entre 200 pa 270 mion florin na 2009 den su economia.



Di acuerdo cu abogado mr. Edwin Duijneveld

## Huez y Ministerio mester persigui esnan cu a comete perhurio, pasobra no por permiti pa condena otro persona inocentemente

PA prome biaha den historia di tratamento di casonan penal, esaki a tuma lugar den prison, esta den KIA, unda promordialmente, e meta tabata pa scucha algun testigo. Na salida, nos a papia cu abogado mr. Edwin Duijneveld, kende ta abogado di famia Williams.

T'asina cu algun siman atrás, durante tratamento di mesun caso hudicial aki, conoci como caso di Gang di Dakota, a surgi problema pafor di caso. Y esaki a pone cu e caso aki a tuma lugar den KIA ayera, riba peticion di Ministerio Publico y Huez. Maske cu e biaha aki, e caso a tuma lugar den KIA, esey no nifica cu tur biaha cu sigui trata e caso aki, ta na KIA e lo sigui tuma lugar.

Según abogado mr. Edwin Duijneveld, e caso aki sigur ta uno masha delicado, unda su cliente, e yiunan Williams ta sigui nenga nan participacion y e tin suficiente prueba pa desbarata tur e acusacionnan. E biaha aki ta trata e caso di tiramento na Eagle Beach, unda un di e sospechoso ta hopi tempo deteni caba, pero Huez no kier lagu'e bay, alegando un hende mester a tira.

Ayera a bin un grabacion dilanti, unda un persona ta declara loke cu a pasa na Eagle Beach, cu e Fiscal a dicidi di investiga dicho grabacion.

Por a mira dos grupo den Corte, cu ta acusando otro, y a aumenta e tension mas ainda, den esnan cu un tempo tabata amigo di otro. Pero e berdad mester bin na cla. Un hecho ta sigur, cu tin varios personan cu mester a comete perhurio, según abogado mr. Edwin Duijneveld y nan lo tin cu carga e consecuencia di esaki. Pasobra si un persona comete perhurio, y keda confirma, e por bay sera sigur un 9 año.

Pesey ta importante pa Huez y Ministerio Publico haci su investigacion y determina si no tin perhurio cometi.

Ta di spera cu un Huez lo no condena un persona pa bay sera, si tin persona a comete perhurio. Según abogado mr. Edwin Duijneveld, esey sigur mester worde investiga y lo exige esaki tambe, según defensa.

AWEMainta mester señala, cu maske cu a tene e caso aki na KIA, pafor di e instituto, el a hera sali for di man. Sigur ora cu un mama a sali y a dirigi su mes na Michael Williams, alegando p'e papia berdad. Pero Michael Williams, maske el a ser cita pa Ministerio Publico, e no a wordo scucha. Si a manda busca otro testigo na cas, pero a lo largo no a tende nan tampoco. Kico de facto a pasa paden, den curso di awe nos lo haya sa.



# BK EASTER FISH MENU

**REEL 'M IN**

**BK FISH FILET**

**KING FISH DELUXE**

**KING FISH HONEY MUSTARD**

**HAVE IT YOUR WAY!**



Como reaccion riba columna: Na camina pa: Eleccion 2009

# Carta habri na sr. Toko Winklaar

Pa: A.R. Lampe, Fraccion di RED

**MI** a lesa e editorial den edicion di AWEMainta di 30 di maart riba pagina 4. E corant di Toko tin pleno derecho pa scoge pa un partido politico y pa un determinado candidato. E editorial ta expresa cu e corant di Toko ta duna 'stemadvies' pa partido AVP y pa mr.dr. Mito Croes. Mi no tin ningun problema cu esey. Tambe mi tin full comprension cu e corant di Toko ta expresa opinion critico pa loke ta partido RED. Libertad di expresion ta algo sagrado y diferencia di opinion ta sano pa nos democracia.

(Nota di Red: Prome cu nos sigui, e no ta un editorial, pero un articulo di redaccion, unda tur hunto ta analisa cada partido, pa cual nos a titula: "Na caminda pa Eleccion 2009", como tal ta wordo carga pa nos tur.

Como cu nos ta respeta derecho di replica, e corant di Toko ta cumpli cu esaki tambe.)

Solamente cu e opinion di un corant mester ta basa riba hecho veridico y no riba mentira. E siguiente hechonan ta corecto:

1. Comision di Berdad a haci denuncia dia 14 di juni 2002 contra e siguiente personanan:

H.W.C, H.D.B, R.R.P, F.E.W, E.M.A, M.I.B, R.M, Dr. Robertico Rosendo Croes.

Huez ta duna Comision di Berdad razon, e a haya comproba cu ex Minister di Finanzas y ex lider di partido AVP a haci su mes culpabel di actonan di corrupcion. E actonan aki a tuma lugar mientras cu e tabata lider di partido AVP. Huez inclusive a exige un castigo mas halto cu loke Ministerio Publico a pidi.

Comision di Berdad su investigacion tabata asina bon haci cu Huez a duna nos razon. Tur 8 persona contra ken nos a entrega denuncia a keda sentencia dor di un Huez independiente di Hulanda. Nos no a formula un denuncia den laira. Ora bo ta denuncia un persona bo mester ta hopi sigur di bo caso.

Finalmente, tin sentencia di huez, ora cu comerciantenan a hiba Comision di Berdad Corte, cu a dicta cu e raport di

Comision di Berdad ta legal.

2. Mi persona a entrega dilanti otro Parlamentario un copia di e Raport di Comision di Berdad na Hero Brinkman cu e mensahe cu na Aruba mes tin Arubianonan cu ta lucha contra corrupcion cu nos no tin mester di Brinkman pa bisa nos esey y cu nos Arubianonan mes ta produci raport di calidad halto contra corrupcion contrario na loke sr. Brinkman ta produci. Politica nobo ta para pa transparencia y esey nos ta practica.

3. Ningun momento nos a cuestiona e experticio di mr.dr. Mito Croes. Mas cu un aña caba RED ta trahando riba e candidatura di Nadya van Putten y ora e keda proponi nos a haci un yamada publico pa tur partido uni rond di su candidatura. Hecho ta cu su candidatura a keda oficializa prome cu esun di mr.dr. Mito Croes. Mescos nos a haci un yamado publico na MPA y PDR pa forma un lista combina pa eleccion 2009. Politica nobo ke men loke Presidente Obama a haci: El a manda un invitacion pa Presidente di Iran pa sinta na mesa via un grabacion poni riba website y e Presidente di Iran a



lese riba website y a acepta su invitacion. Esey ta politica nobo: Transparencia.

Por ultimo, e corant di Toko ta critica dialuna nos fundraising Bingo sin cu a publica e comunicado cu a keda manda diadomingo caba tocante e Bingo cu ta muestra e multitud cu a acudi na otro actividad exitoso di RED.

# Nota di redaccion

**AWEMAINTA** na ningun momento den e analisis a duna un stemadvies pa AVP ni pa dr. Mito Croes como candidato pa Parlamento Europeo. Loke redaccion di AWEMainta a presenta ta e hecho cu e candidatura di Mito Croes tabata conoci for di basta tempo pasa, for di momento cu a aproba pa nos islanan por vota pa Parlamento Europeo. Esey tabata algo cu nos tur tabata sa, y como un persona cu ta hinca den mundo politico, Rudy Lampe tambe lo mester tabata sa. Pesey nos a cuestiona su sentido di unidad. Na Aruba y tur parti di mundo tur hende ta liber pa vota pa kende nan ta considera mihor y AWEMainta sigur no lo kier mete den esaki y bay duna un stemadvies. Si RED y Rudy Lampe kier bisa cu nos ta dunando stemadvies pa AVP y Mito Croes, esey ta su derecho

y nos ta respeta esey tambe.

Pa loke ta e rapport di berdad, Sr. Lampe mester por corda cu durante tratamento di e caso Fondo Desaroyo huez a indica cu e rapport aki no por wordo usa y a laga traha otro rapportnan, caminda hasta a wordo indica cu huez lo a bisa cu e rapport aki por wordo tira den prullenbak. Si personanan a wordo sentencia of no, esey no ta e caso. Loke e analisis di AWEMainta ta muestra ta cu durante gran parti di e añanan cu Rudy Lampe ta den politica activo el a dedica hopi atencion na esaki, caminda na varios ocasion tabata parse cu ta un persecucion of un sed di venganza tabata su drive. Si esey no ta e caso...sorry, pero esey ta loke a wordo sinti. Riba e parti cu RED a cuestiona of no candidatura di Mito Croes, AWEMainta loke

a bisa ta cu a cuestiona Mito Croes y no su candidatura, y esey lider di partido RED a haci den un di su conferencianan di prensa semanal, caminda el a bisa cu Mito Croes tabata forma parti di e gobierno cuestiona di AVP. AWEMainta ta kere cu Mito Croes y AVP den e caso aki ta suficientemente grandi pa defende nan mes y no ta na un medio di comunicacion pa haci esaki. Loke si nos ta cuestiona ta cu ta atacha nomber di un persona cu a contribui na logra algo asina grandi pa Aruba manera ta derecho di voto pa Parlamento Europeo. Pero tambe cu tabata e pilar di e leynan y reglanan di bon gobernacion cu su Rapport Calidad, cu lamentablemente te dia di awe no a wordo aplica totalmente.

Tambe AWEMainta kier a aclar-



ea cu na ningun momento a critica e fundraising bingo, loke nos a critica ta cu a combina esaki cu algo asina serio manera ta inscripcion pa vota pa Parlamento Europeo, nos ta considera cu esey simplemente no tabata algo cu ta cuadra. Den nos humilde opinion, por a organiza e dos eventonan aki riba diferente dia of ora y no mezclanan.

Na final AWEMainta kier a aclarea cu e analisis politico 'Na caminda pa eleccion' ta wordo traha basa riba loke a bin ta

wordo mira, sinti y scucha for di eleccion pasa te na e momentonan aki, pero tambe riba encuestanan cu ta wordo haci caminda opinion di nos hendenan ta wordo puntra. Nos intencion no ta pa kibra ningun partido of pusha otro, simplemente ta muestra loke ta wordo biba y sinti na e momentonan aki na Aruba. Por ta hasta e por yuda, den e caso aki partido RED, pa purba drecha su imagen y asina logra mehora e votonan cu e partido lo por haya den eleccion na september.

## Gobierno ta desviando for di sistema internacional di raporta cuentanan anual

**DURANTE** conferencia di prensa semanal di partido AVP, Andy Lee a comenta cu e ciclo di presupuesto 2009 ta e di 8 presupuesto desde 2002 cu gobierno actual a sinta. Despues di 8 presupuesto cu a wordo ehecuta, te ainda no tin responsabilizacion di un presupuesto cu e gobierno aki a presenta na Parlamento. Desde 2002 no a entrega ningun jaarrekening mas y cada bes cu ta puntra pe por tende cu e ta den proceso, pero keto bay ainda nan no a yega Parlamento pa tratanan, segun Lee a duna di conoce. Pesey e ta bisa cu Gabinete Oduber no ta dunando cuenta di e uso di fondonan publico cu ta ser aloca na nan por medio di presupuesto.

Pero awor a surgi un punto cu ta trese mas preocupacion den partido AVP. Nan a ricibi un carta di CAD fecha november aña pasa caminda cu ta indica cu diripiente gobierno ta cambiando e forma di raporta cuentanan anual manera cu nan ta preparando esaki pa manda Parlamento. Nan ta cambian-donan significadamente cu e cifranan no ta keda comparabel mas. Mas aleu parlamentario di AVP ta bisa cu den pasado pa cuentanan anual 2005 cu tin traha pero no a manda Parlamento ainda, a concorda cu e inrichting, opzet y waarderinggrondslag di e cuenta anual aki lo ta den un cierto forma. Meta tabata pa yega na

un sistema bon di financiele jaarverslagnan cu ta aceptabel. Pero pa presupuesto 2006 CAD a manda un carta indicando nan preocupacion di e cambio aki caminda cu e cifranan diripiente no lo ta comparabel mas, o sea ta haya un breuk ora ta presenta cuentanan anual 2006 y nan no ta comparabel cu 2005 y no tin idea di con e placan ta comparabel di un aña pa otro. Cifranan comparabel ta esencial pa un jaarrekening pa asina por tin e transparencia di e forma cu ta geef weer e uso di fondonan publico y ta indica tambe cu sin e cifranan comparabel aki y sin un motivacion husto y razonabel pa loke ta e cambio di e opzet, inrichting y

waarderinggrondslag, CAD no ta haya ta responsabel pa ni haci un onderzoek na e jaarrekening 2006 y ta conseha pa drecha e omisionnan aki den e jaarrekening di 2006. Andy Lee ta indica cu pa nan e preocupacion ta awor cu promer cu gobierno ta bay haci un intento pa duna responsabilizacion di e uso di fondonan publico, ya caba ta trese ‘onduidelijkheid’ den e asunto aki y esaki no ta forma di hiba un politica responsabel pa trese claridad y transparencia den forma cu ta haci uso di fondonan publico. E ta bisa cu tur ciclo di presupuesto mester termina cu responsabilizacion y ta deber di gobierno pa duna esaki den

un forma cu e ta comparabel, cu cualkier hende cu ta haci un analisis di cuentanan anual por haya un bista di su mes con e fondonan a wordo usa pa e aña ey y con esakinan por ta comparabel cu e añanan anterior. Lee ta indica cu ta spera cu minister di Finanza lo duna aclaracion pa cu e situacion caminda fraccion di AVP lo puntre tambe e mtibo pa cual e ta trese e cambio aki, dicon no a consulta cu CAD cu ta vocifera e preocupacion grandi y dicon ta trese cambionan cu ta desvia di e sistema internacional di raporta cuentanan anual. Desviando for di esaki, Aruba su cifranan tampoco lo ta comparabel mas cu cifranan di otro pais.

## Cifranan den sector turistico ta cayendo y gobierno keto bay no ta haciendo nada

**CIFRANAN** di turismo a cuminsa sali e aña aki. Un di e promernan cu a sali ta e reportahe di CBS tocante e hotel report caminda cu ta duna informacion di con ta bayendo na januari 2009 cu e industria hotelero na Aruba. Andy Lee ta bisa cu ta sigui mira e trend cu nos a bin ta mirando desde un par di luna. E occu-

pancy rate pa januari ta sigui cay, caminda cu den e luna aki a cay cu 5.1%. Pa loke ta e average price si por mira cu a subi cu 3.7%. Room revenue a baha cu 13.9% y loke cada camber ta trese aden a baha cu 10.5%. Por a compronde tambe for di cifranan inoficial di AHATA cu tabatin un caida den turismo den luna di januari di alrededor

di 7%. Rendimento cu ta haya di turismo ta bahando y esaki ta trese preocuacion. Gobierno ainda no a sinta na mesa ni cu gremionan comercial cu ta vocifera nan preocupacion cu e situacion economico mundial y e impacto di esaki na Aruba y e cifranan di januari 2009 caminda cu hotelnan ta un di e mihor indicadornan a corto

plazo ta duna señalnan claro cu e cos no ta bayendo bon den e area turistico y no ta mira otro accion cu gobierno ta tuma pa remedia e situacion. Riba e pregunta di kico por ta e solucion pa e problema di turismo y pa evita un mayor caida di esaki, el a bisa cu lamentablemente AVP ta den oposicion, pero cu tin diferente

solucionnan y sigur conocimiento pa yega na solucion ta hinca den sector hotelero cu ta indicando claramente cu nan kier un dialogo cu gobierno, mescos cu ATIA y asina nan por toca e tema di impacto di e crisis economico mundial pa yega na solucionnan y duna nan aporte, pero gobierno no ta haciendo nada riba e tereno aki.

## Yudanza di Konigin Wilhelmina Kanker Fonds ta sigui aumenta

**KONIGIN** Wilhelmina Kanker Fonds a duna algun informacion di aña 2008. Durante e aña aki hopi a bay busca informacion, sosten, apoyo moral y ayudo financiero na e fundacion. Durante 2008 94 persona a acudi na e fundacion pa diferente casonan di cancer; e grupo mas grandi aña pasa tabata cancer di pecho caminda e personanan ta acudi pa sosten, apoyo moral. E personanan aki ta ricibi nan accesorionan manera protesís, BH of peluca. Tambe tin un grupo cu ta haya e otro tipo di ayudo cu e fondo ta yuda. Ta trata aki di e personanan cu tin di bay Corsow, e ayudo

ta den forma di transportacion dependiendo di unda nan ta hospeda. Mirando e cooperacion cu tin entre Konigin Wilhelmina Kanker Fonds na Aruba y esun di Corsow, esun di nos hermana isla ta busca e pacient y hibe na unda cu e mester ta pa e haya su radioterapia. E gastonan aki pa e pacient ta cero, ya cu nan ta wordo cubri pa e fundacion na Aruba. Un otro tipo di ayudo ta cu ora cu p.e. un pacient mester bay afor pa 6 siman pa haya su tratamiento pa cancer. AZV ta paga pa un begeleider bay cune, pero ta resulta cu e persona en cuestion no por keda e temporada

completo cu e pacient pasobra e tin di bin cumpli cu su debernan na Aruba. Den un caso aki Konigin Wlhelmina Kanker Fonds ta cubri e gastonan pa un otro miembro di famia bay compañía e persona den exterior. Tambe ta traha cu lazonan estrecho cu Wlhelmina Kanker Fonds na Hulanda y depende di e peticion pa yudanza, tambe tin un bon relacion cu AZV caminda cu nan ta confirma un ke otro dato ora cu nan wordo acerca pa un pacient. Un otro departamento di e fundacion ta esun di cuida na cas. Esaki ta encera cu pacientnan

cu wordo determina cu nan ta terminal, e ora e fundacion tin un grupo di enfermera cu ta bay cas y ta atende e pacientnan aki segun e necesidad ta. E servicio aki tambe ta gratuito. Aña pasa e gastonan aki a yega na un total di 83 mil florin cu a representa un aumento di 20% den comparacion cu aña 2007. Mirando esaki e fundacion ta expresa cu nan mester di ayudo di comunidad pa por sigui brinda e servicio aki, ya cu nan ta depende solamente di e donacionnan cu nan ta ricibi, nan no ta haya subsidio di gobierno ni di otro instancia. A pesar cu ta dificil pa duna

un cifra exacto di cuanto nan ta gasta pa aña debi cu cada caso ta diferente, por bisa si cu esakinan ta di por lo menos 250 mil florin. Fin di siman pasa nan tabatin nan promer actividad di e aña aki y e siguiente lo tuma lugar 24 y 25 di april. Durante e dianan aki un grupo di hoben dinamico ta yuda colecta placa. E hobennan aki ta wordo reconocidos di e vest cu nan ta bisti ora nan subi caya. E actividad di colecta placa ta wordo organiza un biaha pa aña so, pero sin embargo tin hende cu espontaneamente ta duna durante henter aña.



Den asesinato di Giovanni van Ierland....

## Awor èx bewaker di Campo ta sospechoso

**WILLEMSTAD** - Ta fo'i fin di siman pasá tin speculation ta circulá cu Ministerio Publico na Corsow lo ta riba pista di un sospechoso importante cu por ta involvi den e asesinato di Giovanni van Ierland.

Fo'i principio di siman pasá, nos a tuma nota di e hecho cu e sospechoso aki por ta basá riba eventual contradiccion den declaracion di e unico sospechoso cu nan tin deteni te ainda cu ta

Lionel Strikx, kende reportadamente ta para duro riba un nò di ta involvi den e caso.

E caso a haña forma poco mas concreto cu detencion di e èx bewaker di Campo Alegre, Luvio Bart, ruman di e conocido y notorio Marnol Bart, kende tabata preso pa delitonan violento.

Den fin di siman autoridadnan na Hulanda a detené Luvio Bart,

kende tambe tin un karchi di castigu serca husticia na Antia y reportadamente lo transporté pa Corsow awe.

Luvio tabata traha na Campo Alegre te algun luna pasá, pero repentinamente a indicá cu e ta bayendo Hulanda bay traha. Detencion di Luvio a tuma lugar despues di a studia e grabacion di e camera di banconan na Rio Canario banda di caminda e asesinato di Giovanni van Ierland

a tuma lugar.

Banda di esaki autoridadnan a haña un pèchi cu e presunto asesinato lo a laga atras y cu a bay Hulanda pa determiná si tin prueba genetico DNA cu nan por saca for di e pèchi.

Pa por compará e detayenan genetico mester di e sospechoso pa mira si nan ta cuadra.

Tambe autoridadnan ta persigi e pista di e supuesto get-away car cu a keda confiscá y cu nan a

'trace' bèk na Nel Strikx, kende ta insisti cu desconocidonan a hòrta e auto ey fo'i dilanti di su gym.

Un detaye curioso ta cu originalmente a mencioná hasta un number di auto sospechoso den e caso, pero ora cu a 'trace' bèk e number, a resultá cu ta number di auto di un polis.

Por lo tanto ainda tin masha confusion den henter e asunto aki.

E no por traha como polis mas....

## Carera policial di Alto Comisario Derrick Holiday a yega na su fin

**WILLEMSTAD** - Den un veredicto cu Corte di Husticia Comun di Antia y Aruba a dicta siman pasa prácticamente nan a pone fin ne carera policial di Alto Comisario di Polis na Sint Maarten.

Den su veredicto e alto tribunal a dicta cu Holiday tin cu presta 180 ora di trabao pa comunidad, el a haña un año condicional di castigo di prisòn cu dos año di periodo di prueba, pasobra e ta culpabel na falsificacion

di documento di Imigracion y fraude contra Gobièrno.

**MAS SEVERO**

E castigo cu Corte di Husticia Comun di Antia y Aruba a dicta contra Holiday ta mas severo cu e castigo cu el a haña den Promé Instancia na òctober año pasá. Na tal ocasion el a haña un castigo condicional di 4 luna preso y un boet di 10.000 florin.

Di acuerdo cu su abogado den declaracionnan na Daily Herald,

Joerl Essen, Derrick Holiday ta sumamente decepcioná cu e decision di e Alto Corte, pasobra durante henter e proceso el a insisti cu e ta inocente.

Sin embargo pasobra e no a lamentá loke el a haci, e tribunal a duné un castigo mas halto.

Abogado General a pidi pa prohibi Derrick Holiday pa traha 5 año pa polis, pero e tribunal a dicidi riba 3 año.

E Alto Comisario a falsifica

43 documento di Imigracion pa laga stranhero drenta Sint Maarten despues cu e periodo di gracia a pasa.

**FRAUDE**

Aparte di esey e tribunal a haña cu Holiday a defraudá Gobierno Central cobrando subsidio di alquiler siendo doño di e cas den cual e ta biba. Cu otro palabra, e tabata paga huur na su mes persona cu placa di Gobierno.

E tribunal a rechasá argumento

di su abogado cu husticia a abusá di su poder pa sera Holiday mesora den prisòn caminda nan a interrogé loke no ta contra ley.

Holiday mes a pretendé cu Minister di Husticia David Dick a primintí cu no ta denuncié pa fraude di e subsidio di huur si e paga e placa bèk.

E abogado di Holiday ta considerando pa hiba e caso Corte di Cassacion na Hulanda.

## Ministerio Publico a apelá sentencia den caso Marlies

**WILLEMSTAD** - Siman pasá na bispo cu e periodo pa registrá apelacion di e sentencia contra Ryan Pieters a caducá, Ministerio Publico na Bonaire tambe a registrá nan apelacion.

Promé cu esey e abogado di Ryan Pieters tambe a apelá e sentencia di castigo di bida largo pa asesinato calificá.

Ministerio Publico a pidi pa condená Ryan Pieters riba 3 punto di asesinato calificá, pero Huez a absolvé riba dos di e puntonan aki.

Pa evitá cu no por trata e dos puntonan aki mas, Ministerio Publico tambe mester a apelá. Mientrastanto e criminólogo Stanley Inderson den un entrevista cu un medio di publicidad na Hulanda a opiná cu e castigo

di bida largo cu Huez mr. Saleh a dicta contra Ryan Pieters ta fuera di proporcion y extremadamente pisá pe asesinato di Marlies van der Kouwe.

Fiscal a pidi castigo di bida largo y Huez a duna esaki.

Di un banda Inderson ta comprendé cu nos ta biba den un clima caminda comunidad ta pidi pa castigá criminalnan fuertemente, pasobra pueblo a harta di criminalidad y ta haña cu e castigonan ta mucho leve di manera cu criminalnan no ta siña nan lès.

Pero den e caso aki Inderson ta sospechá cu ta pasobra e víctima tabata macamba, e castigo a cay mas halto, pasobra ora un hende local pèrdè no tin tanto conmocion asina.

Ademas Ryan Pieters a haña un castigo considerablemente mas halto cu Corte sa dicta den casonan comparabel siendo cu no tabatin premeditacion y violacion den e caso.

E hecho cu Ryan Pieters tabatin un abogado Pro Deo tampoco tabata na su favor, pasobra un pobercito no por paga abogado caro loke ta haci nan defensa mas zwak.

Un ciudadano a observá cu aki claramente por mira cu husticia ta ciego, pasobra den e caso di asesinato di Pim Fortuyn tabatin asesinato premeditá y e asesino a haña 18 año preso di cual e ta sinta 12, pero den e caso aki sin premeditacion Ryan Pieters ta haña bida largo.



Den mocion durante Presupuesto di Husticia:

## AVP ta presenta puntonan di urgencia pa combati criminalidad

Mike Eman: E puntonan di urgencia ta trece alivio rapido !

**ORANJESTAD** - Durante tratamento di Presupuesto di Husticia den Parlamento e fraccion di AVP a presenta un mocion pa atende cu e crisis den seguridad cu tin na Aruba cu e aumento dramático di criminalidad.

Fraccion di AVP ta muestra cu criminalidad ta tumando forman hopi serio na Aruba; Jaarverslag di Korps Politie Aruba 2007 ta indica cu casonan di criminalidad pisa a aumenta dramáticamente pa 6277, na 2004 esaki tabata 4236; esaki ta un aumento di 48% den tres anja.

Fraccion di AVP den su mocion ta envatisa cu ciudadanonan den nos comunidad tanto den areanan publico como den nan intimidad di nan hogarnan ta birando victima di e ola di criminalidad aki. Adictonan a apodera di un parti hopi grandi di centro di nos ciudadnan y nos

barionan y ta un menasa continuo pa seguridad y propiedad di nos hendenan.

Tambe e fraccion di AVP ta muestra cu e seguridad cu ta asina esencial pa calidad di bida di nos ciudadanonan y pa nos bishitantenan a bai dramáticamente atras y cu esaki naturalmente e sentido di seguridad den nos pais. E mocion ta analisa cu Cuerpo Policial y Ministerio Publico, organonan crucial den mantencion di seguridad, orden publico y cumplimiento cu ley den nos pais, den diferente rapport y notanan ta refleha di ta frustra y demotiva cu falta di guia y dirigencia for di e Minister di Husticia.

E mocion di AVP ta muestra cu mester bin un cambio rapido pa atende cu e deteoro y crisis den seguridad aki cu ta sumamente peligroso pa e tranquilidad y seguridad den pais Aruba.

Pesey fraccion di AVP, Mike

Eman ta splica a bin cu un mocion cu ta presenta un linea di puntonan cu rapidamente mester worde implementa pa cambia direccion di e desaroyo aki.

E mocion di AVP ta bisa cu urgentemente mester duna Cuerpo Policial y Ministerio Publico instrumentonan y e autoridad, segun entre otro e Rapport de Omslag, pa efectivamente por combati y preveni criminalidad. Tambe e mocion ta bisa cu di inmediato mester cuminsa ehecuta e ley di pone adictonan bao di curatela, efectivamente kitando e personan aki for di areanan publico, interna nan y duna nan un programa di rehabilitacion integral manera debe ser.

Tambe e mocion di AVP ta pone como prioridad pa di inmediato sera e shelter cu a bira e centro di concentracion di e adictonan y designa e recursonan di huur di shelter pa trata e adictonan



localmente y den centronan reconoci den exterior.

E lider di Fraccion di AVP, mr. Mike Eman ta bisa cu AVP ta

bin cu e mocion aki pasobra pueblo mester haya un alivio rapido di e ola di criminalidad cu ta asotando

# Minister drs. Booshi Wever ta denuncia Anselmo Pontilius di dreña wega politico



**FOR** di despacho di Minister drs. Booshi Wever, AWEMainta a haya copia di un

carta cu ta contesta riba un carta cu e sindicalista, Anselmo Pontilius a manda p’e mandatario dia 26 di maart ultimo. Según Minister drs. Booshi Wever, na momento cu mitar informacion, of informacion incompleto ta wordo treci dilanti, y esaki den mes un tono cu entre otro oposicion ta haci esaki, no ta keda e mandatario nada otro di conclui cu Anselmo Pontilius a dreña den e area politico (orquestra).

“Si bo ta insinua cu mi no ta traha, mi no ta respeta nos leynan, mi no ta carga mi responsabilidad y cu pues mi ta perhudica mi pais severamente, lo bo mester ta mas cla den bo expresionnan.

Pero prome cu bo acusami di tal cosnan, entre otro di ta actua contra nos leynan, lo bo por bisa cu bo a actua segun ley dia cu bo a permiti Stanford horta placa di bo miembronan?

Cualquier persona lo por insinua cu lo por tin “cosnan contra ley” tumando lugar na AZV; no lubida si cu asina yama

“goedkeurende verklaring” di e accountantbureau ta contradeci esaki!

Locual ta strañami, ta cu - di acuerdo cu bo propio palabranan- bo no a logra haya ningun informacion di bo representante den Hunta Comisario, locual pa mi ta un falta di corahe, sin mas! Un “flauw excuus”.

Como bo representante e tin e deber di informabo! Ta p’esey e Hunta awor ta carga e nomber di Hunta di Comisario, contrario n’e situacion di antes. Corda cu antes NO tabatin ruggespraak!

Cu bo no ta na altura cu bo representante tin aceso of no na tur informacion, no ta dreñami! Bo representante tin e derecho pa haya tur informacion, mas ainda e deber di pidi y haña e delaster tin informacion; pakico bo no a cuestiona esey! Of pakico bo no a insisti pa haña informacion (cu ta bo deber!).

Si bo a haci bo trabao como debe ser,

anto bo lo por tabata sa cu tabatin irregularidadnan (segun bo) y bo por a pidi bo representante pidi CAD haci e investigacion ey; of bo por a pidi sr. Lampe pa Comision di Berdad haci e investigacion!

E investigacion lo tuma lugar pronto; e resultadonan lo papia cla!

Si bo ta kere cu mi lo no hacie, bo por pidi bo representante hacie AWE mes!

By the way; na television bo a bisa cu mi mester a baha, si e Parlamentarionan a haci nan trabao debidamente; abo tin suerte cu bo miembronan no POR bahabo directamente; si esey tabata posibel, lo nan a bahabo caba, pa tanto eror cu bo a comete, y cu bo a laga Stantfond HORTA bo miembronan!

Bo lo paga e mas di miyon florin for di co saco na bo miembronan?”. Te aki a carta di Minister drs. Booshi Wever pa Anselmo Pontilius, manda diabierna ultimo, cu copia pa Sindicato den Union.



## Despues di a core di Tarabana te Natural Bridge, ciclista ta dal abao, heridando cabez



**DIADOMINGO** merdia un ciclista cu a bay core bicicleta di Tarabana pa Natural Bridge. Na su yegada na Natural Bridge, el a bay haci poco stretch-out y di ripiente el a cay kap su cabez. Nan a yama ambulance mesora y despues di un control a opta pa hibe hospital, pasobra el a haya un leve hersensschudding.

## Tin empleado publico ta sigui abusa di auto di Gobierno



**NA** momento cu nos fotografo tabata presente na Lekker Bar & Restuarant, unda polis a bay sera e negoshi, pasobra un biaha mas e tabata habri fuera di su horario di cierre. Y pa ora cu polis a duna ordo pa tur hende sali for di Lekker, nos a capta un D-225, auto di Gobierno, cu un empleado publico tabata core, tambe a sali for di e negoshi. Den ora di Dios ey, sigur no ta pa haci trabao, pero ta pa placer, anto riba cuenta di pueblo.

## Dos persona a keda herida, ora cu un otro a haci intento di pasa otro bromer



**DIADOMINGO** atardi a drenta informacion di un accidente entre 2 motociclista na altura di Laveist Sports Park. Investigacion haci n'e sitio a indica cu ora un motociclista a bay pasa un otro bayendo pabao el a perde control dal den un otro y consecuencia di esaki tabata, cu 2 hende a resulta herida. Ambulance a transporta e victimanan pa hospital.

## Den dia cla, cu seguridad paga pa cuida, ladron ta cla pa bay cu un airco



**DIADOMINGO** atardi a drenta informacion cu na Schelpstraat 12, un auto a yega reverse dilanti e lugar, desmantela un airco split unit y bay cune. Anto tur esaki mientras tin un security pa cuida e lugar. Polis a presenta y a tuma nota di e declaracion di un testigo kende a wak tur esaki den dia cla, mientras security mes a bisa di no a wak nada.





Outlet Store

# BARATIYO DI SIGLO!

E MIHOR MARCA'NAN  
E MIHOR PRIJS'NAN

## PROBECHA AWE!

CAYA G.F. (BETICO) CROES 50 (DILANTI ARUBA BANK)

UNISA

ROCKPORT®

SAUCONY®

MERRELL®  
Performance Footwear

GUESS  
BY MARCIANO



gotta  
FLURT



FILA

Reebok





## Technologia

# Skype pa iPhone y BlackBerry



E servicio popular di telefon via internet Skype lo ta disponibel for di e siman aki pa e usu- arionan di iPhone di Apple y BlackBerry, segun e compania a duna di conoce ayera.

Segun e blog corporativo di Skype, propiedad di E-Bay, e lanzamiento di un aplicacion di Skype pa e iPhone y pa e iPod Touch lo wordo anuncia oficialmente awe, diamars, durante e feria di telefon CTIA Wireless 2009 di Laas Vegas.

E servicio lo ta disponibel e siman aki y un poco despues, posiblemente na mei pa e usu- arionan di BlackBerry.

Skype pa iPhone lo permiti haci yamadanan di telefon usando internet, manda messagenan of inclusive comparti potretnan na un prijs di cero si yama otro usu- ario di e servicio y cu tarifanan hopi abou pa e yamadanan na otro numbernan.

Ma Merca, Skype pa iPhone solamente lo funciona atraves di e red wi-fi di conexion na internet y no mediante e telefonico, un

condicion demanda pa e opera- dornan di telefonia cu no kier wak nan negoshi bin abou.

Skype, lider di e sector di tele- fonia via Internet cu alrededor di 400 milyon usuario registra no lo ta, sin embargo, e promer servicio di VoIP den yega na iPh- one, caminda varios compania ta ofrece ya caba aplicacionnan pa realiza yamadanan gratuito a traves di e red.

## 35 por ciento di muhernan Latino ta prefera tecnologia en bes di bay gym



Un estudio realiza pa e site di comercio electronico Mercado Libre entre mas di 500 muhernan di 12 pais Latinoamericano cu a participa den un encuesta riba nan habitonan di uso di internet, a determina cu 90% di e muhernan ta prefera inverti nan tempo den actividadnan personal. Aunke e tareanan rela- ciona cu hogar y famia ta ocupa e mayoria di e preferencianan, cu 53%, e uso di internet y tecnologia ta ubica na di dos lugar di actividadnan preferi cu un 35%.

Otro labornan a keda relega manera bay gym, cu 26%; cushina (22%) y biaha (19%) entre otro.

Mitad di esnan encuesta a revela igualmente cu nan ta usa internet pa compra. Un 30% di nan ta adkiri productonan y servicionan di tecnologia, mientras cu un 12% e seña cu nan ta compra paña.

Pa e 40% di e muhernan participante, internet a mehora am- pliamente nan calidad di bida. 48% ta usa e red pa pagonan di belasting, mientras cu 60% ta realiza nan asuntonan bancario den forma virtual.

57% tambe ta kere cu riba internet tin mihor promocion- nan y descuentonan cu esunnan cu ta existi den comercio tradicional. E estudio a wordo realiza entre muhernan di edadnan di 25 pa 44 aña cu tin estudionan universitario of tecnico (79% di e encuestadonan) cu ta biba den pareha cu yiunan.

## Videogames ta mehora bista

NO tur cos di e videogames ta parse malo. Por lo menos esun- nan cu ta involucra hopi accion, manera e tironan den promer persona (FSP), por mehora e capacidad di vision den bida real, segun un estudio.

Segun e investigacion publica den Nature Neuroscience, e tipo di weganan aki ta parse aumenta e capacidad di ri- para e diferencianan leve den e tononan shinishi.

Esaki ta un aspecto di e sistema visual humano cu a kere cu tabata fiho y no por a mehora, segun e cientificonan di Roch- ester University na Merca.

Segun e expertonan, e asina yama 'sensibilidda na contraste visual' ta importante pasobra e ta yuda nos den situacionnan manera stuur anochi den condi- cionnan di visibilidad abou.

Den e estudio, e videogamers di FPS mas experimenta a muestra un 58% mas eficiente ora a percibi e diferencianan sutil di contraste, segun dr. Daphne Bavelier, profesora di cienci- anan cognitivo y di cerebro cu a dirigi e investigacion.

"Normalmente, mehora e sen- sibilidad na contrate kiermen cu mester usa bril of opera pa cambia e optica di e wowo", Bavelier ta afirma.

"Pero nos a decubri cu e wegan- an di accion ta train e cerebro pa procesa e informacion visual ex- istente di forma mas eficiente,

y e mehora por dura lunanan despues di stop di hunga", e ta agrega. E investigadornan ta kere cu un videogame por ta un strategia di training pa mehora vision.

E sensibilidad na contraste ta un di e promer aspectonan di e vision cu ta wordo afecta dor di envehecimento, pero tambe tin otro trastornonan manera ambliopia, tambe conoci como "wowo floho", cu ta tuma lu- gar ora un di e wowonan no ta transmiti apropiadamente e im- agennan visual na e cerebro.

Den e estudio, e cientificonan a analiza e sensibilidad na e con- traste visual den 22 estudiante, cu despues nan a dividi den dos grupo.

E promer grupo a hunga vid- eogames di hopi accion, ca- minda tabata necesario mik y tira riba obhetivonan.

E di dos grupo a hunga vid- eogames cu no ta di accion, manera sims, cu ta hopi rico vi- sualmente pero no ta involucra un coordinacion visual-motora halto.

E studentenan a pasa 50 ora hungando durante 9 siman.

Na final di e experimento, e studentenan di e grupo di weganan di accion a muestra, den promedio, un mehoranza di 43% den nan capacidad pa ripara diferencianan leve den tononan di shinishi. Segun e

investigadornan, e estudiante- nan di e otro grupo no a muestra ningun mehoranza.

"Te unda cu nos sa, esaki ta e promer biaha cu ta demostra cu e sensibilidad na e contraste visual por wordo perfecciona cu un training simepl", segun dr. bavalier. "Cu e videogames di accion e hendenan ta cam- biando e circuito cerebral re- sponsabel di e procesamiento visual".

"E weganan aki ta hiba e sistema visual humano te na e limite y e cerebro mester adapta", e in- vestigadora ta splica y ta agrega cu "nos ta wak cu e efecto posi- tivo por permanece hasta 2 aña despues cu e training a caba". Manera e cientificonan ta se- ñala, a pesar di e varios preo- cupacionnan cu ta existi riba e efectonan di e videogames di accion y e tempo cu e ser hu- mano ta pasa dilanti e screen hungando, por lo menos pa loke ta trata e vision, nan no ta necesariamente perhudicial.

E expertonan tin planea awor pa aplica e resultadonan aki na investigacionnan futuro pa desaroya un tratamiento pa ambliopia. Nan ta kere cu un videogame lo por stimula ambos wowo pa nan funciona apropiadamente y asina por restaura e vision "den stereo" cu ta faya cerca personanan cu ambliopia.



## Spaña ta organiza feria di marketing online

DIA 1 y 2 di april lo tuma lugar na Spaña e feria di marketing y publicidad mas importante di e pais ey, e congreso Online Marketing España (OME) 2009. E evento lo reuni na Madrid empresanan destaca y figuranan di e mundo di tecnologia y publicidad digital, cu lo discuti acerca di e tendencianan online y e repercusionnan di e crisis den e sector.

E congreso lo conta, entre otro, cu presencia di Javier Rodriguez Zapatero, director general di Google España; Alejandro Fernandez Luengo, fundador y director general di Marco Aldany; Migue Angel Obaneja, responsable di internet y proyectonan interactivo di IKEA y Mario Tascon, editor di Diximedia



Digital (233grados.com). Entre e companianan cu lo participa den e evento tin Ciao GmbH, Comscore, Grupo Intercom, Nielsen y Orange, cu lo presenta e ultimo novedadnan y tendencianan di publicidad y marketing den e red.

OME 2009 lo conta cu instalacionnan adecua pa e temponan actual caminda e bloggers lo por disfruta di un espacio exclusivo, habri henter dia cu bebidanan, acceso na Internet gratuito y 20 computer cla pa post tur e novedadnan di e evento.

## Western Digital ta ofrece unidad di hard disc di 2TB

WESTERN Digital a lanza su mas recien unidad di hard disc My Book. E unidad di 2 terabyte ta e mayor disponibel den un sistema di un solo disco, segun e compania. Western Digital a menciona cu e aumento den interes di e consumidornan pa traha filnan, camaranan digital y hasta download di programanan di television y peliculanan for di iTunes, ta haciendo cu e espacio di e hard disc ta bira cada bes mas den un problema. Cu un unidad di 2GB, mayoria di usuarioonan lo por respalda henter nan computer varios biaha. E seriennan My Book ta bin den varios configuracion. My Book Studio Edition ta equipa cu FireWire 400, FireWire 800, eSATA y USB 2.0. E unidadnan di disconan externo My Book Mac Edition ta ofrece un interfaz USB 2.0. My Book Studio Edition ya ta disponibel; My Book Mac Edition lo ta disponibel otro luna. Western Digital a bisa cu e prijsnan ta varia entre 329 y 379 dollar dependiendo di e modelo.



**FIESTA ROTARIA '09**

**5 di April 2009**  
**Dilanti Talk of the Town Beach Resort**  
**for di 10:00 or di mainta te cu 6:00 or di atardi**

## Servicionan secreto Britanico ta alerta riba posibel atake cibernetico Chines

SERVICIONAN secreto di Reino Uni a alerta gobierno cu China lo por a adkiri e capacidad di efectua un atake cibernetico contra e pais ey a traves di e servicicionan di electricidad y telecomunicacionnan, segun e corant The Sunday Times. Aki ta wordo bisa cu e directornan di e servicicionan di inteligencia ta teme cu equipamentonan instala dor di e empresa di telecomunicacionnan Chines Huawei den e red nobo Britanico BT por wordo usa pa blokea servicicionan publico clave manera energia y suministronan di awa y cuminda.

E corant ta bisa cu e advertencianan aki ta coincide cu un number creciente di atakenan cibernetico riba Gran Bretaña dor di gobiernonan extranhero, specialmente Rusia y China. Un documento confidencial distribui dor di varios ministerio ta afirma cu, aunke e compania Britanico di telecomunicacionnan BT a tuma medidanan pa reduci e riesgo di atakenan di piratanan of gruponan di crimen organiza, nan “no ta efectivo riba un atake delibera for di China”.

Segun The Sunday Times, e president di e Comité Conhunto di Inteligencia, Alex Allan, a informa e miembronan di e comité pa seguridad nacional riba e menaza cibernetico cu China tabata plantea den un reunion secreto januari pasa.

E informe ministerial ta señala cu, aunke e riesgo cu China explota su capacidadnan na e momentonan aki ta chikito, e “impacto lo ta hopi halto”.

Huawei. Cu, ta kere, a wordo funda cu placa estatal, ta wordo dirigi pa Ren Zhengfei, un ex director di e division di investigacion di telecomunicacionnan di ehército Chines.

E empresa aki ta proporciona componentenan clave pa e red nobo balora na 10 mil milyon 700 euro di BT, usa pa servicicionan secreto y ehército di Reino Uni, entre otro institucionnan, cu cual ta actualiza e telecomunicacionnan di e pais usando tecnologia di internet.



## Internacional

# Turkia ta tene eleccion local den disturbio, y 4 morto

E turconan a vota diadomingo den eleccionnan local cu probablemente ta duna e partido AK di prome ministro Tayyip Erdogan un otro mandato, memey di disturbionan violento den e parti sur-este di e país cu a causa morto di cuater persona.

Ankara – E votadornan di e nacion di 72 miyon alma di mayoria musulman, ta elegi alcalde y asambleanan municipal y provincial.

E votacion ta ser considera como un referendum riba e popularidad di Erdogan, pero a haya su mes confronta cu violencia electoral den algun zona. Cuater persona a muri y mas cu 50 a resulta herida den disturbionan den e sureste mayormente kurdo di e nacion, segun fuentenan di hospital a raporta.

E partido AK a gana tres eleccion consecutivo desde cu nan a vence oposicion na 2002, pa prome biaha.

Mayoria di e encuestanan di opinion ta mostra cu AK lo gana facilmente cu casi 40 por ciento di voto a pesar di e desempleo haltu y e impacto economico di e crisis financiero mundial, despues di añanan di crecemento domestico sin precedente y hopi inversion stranhero. Erdogan a priminti pa cambia e Constitucion cu a wordo redacta pa Ehercito na 1982 y cambia e forma den cual e Cortenan Constitucional ta opera, loke lo yuda e nacion bira miembro di Union Europeo, pero esaki lo por rebiba e tension cu secularistanan cu ta acus'e di ta sigui un agenda islamita. E líder politico ta nenga cu esaki ta su intencion.

“E decision di nos nacion lo sali na cla awe, y tur partido politico lo respeta esey”, Erdogan a laga sa.

Fondo Monetario Internacional (FMI) y Turkia a bin ta dialoga pa hopi luna riba un acuerdo cu e mercadonan ta bisa cu ta



clave pa defende e economia di 750.000 miyon dolar di e crisis mundial.

# Explosion suicido a causa ocho morto na Afganistán



UN atacante suicido cu uniform policial a bula su mes cu explosivo ayera den interior di un cuartel policial den sur di Afganistán y e explosion a mata ocho persona, un funcionario a bisa.

Tres polis y cinco civil a muri den e atentado den e distrito Dund, como 15 kilometer sur

di e ciudad Kandahar, segun Zalmay Ayubi, vocero di gobernador di e provincia Kandahar. Seis persona a wordo herida, e'la añadi.

Un contingente di soldad Canades y polis Afgano a yega pa vigila e sitio y a ordena e periodistanan pa no tuma foto, segun un reportero di The As-

sociated Press na e sitio. Un vocero di Cuerpo Internacional di Asistencia di Seguridad di NATO a bisa cu e lo investiga e informacion ey. Kandahar ta e cuna spiritual

di e grupo radical Talibán y ta sigui ta un bastion di miliciano. Polis Afgano frecuentemente ta victima di atakenan di Talibán cu bom na canto di caminda y cu atentadonan suicido.

Ayera tambe, un bom coloca banda di un caminda a mata tres polis den e provincia oriental Paktia, segun informacion di Ministerio di Asuntonan Interno.





# Obama ta condiciona mas ayudo na empresanan automotriz

**GOBIERNO** Mericano ta di opinion cu e dos fabricantenan di auto – cu mester a presenta nan plan di restructuracion na Departamento di Finanza Mericano – no a presenta plannan aceptabel pa haya mas placa di rescate, den un decision cu ta causa un escenario di crisis na Detroit y ta iniciando loke por ta e ultimo dos lunanan di dos gigante automotriz Mericano. Presidente Barack Obama y su principal asesornan a determina cu ningun di e dos empre-

sanan ta viabel y cu e pagador di impuesto lo no gasta miles di miyon dolar mas pa mantene e dos empresanan, cu ta enfrenta problema financiero, den operacion.

Como un ultimo recurso, gobierno a entrega nan un plazo detaya pa nan haci un esfuerzo final pa convence Gobierno cu ta vale la pena pa rescata nan, segun funcionarionan promimente cu a papia den forma anonimo. Obama lo a anuncia esaki ayera na Cas Blanco.

Den un entrevista na CBS transmiti diadomingo, Obama a bisa cu e companianan automotriz mester haci mas pa haya ayudo financiero adicional di gobierno.

“Ainda nan no a haci tur loke nan mester haci”, Obama a bisa.

“Nos ta kere cu nos por tin un industria automobilistico exitoso na Merca. Sin embargo, e mester ta un industria diseña na un forma realista pa pasa den e tormenta aki y sali na otro



banda, hopi, hopi mas chikito, eficiente y competitivo di loke e ta actualmente”, Obama a agrega.

E funcionarionan, cu un cara frustra, a bisa cu un di e dos empresanan no por opera manera un compania independiente cu su plan actual. Nan a duna e empresa ki un plazo di trinta dia pa forma un aliansa cu un empresa automotriz Italiano y nan a ofrece te 6.000 miyon dolar si e por yega na un acuerdo prome cu e tempo agota.

Si e union aki no logra, Washington lo retira y laga e compania aki den su caminda pa likidacion. Ya lo no tin mas placa.

E vocero di e compania a bisa cu nan ta desea di colabora cu Departamento di Finanza, pero a nenga di papia di e plannan di Cas Blanco.

Na e otro gigante, Gobierno a ofrece placa pa funciona pa 60 dia mas, mientras e ta restructura. Diadomingo ultimo a cuminsa un movimiento general activo despues cu e director general y presidente a renuncia bao presion di Cas Blanco. Awor e empresa tin un director general nobo, como tambe un otro presidente interino di e hunta directiva.

Den un cambio administrativo importante, e directornan nobo lo forma e mayor parti di e hunta di e compania, a wordo anuncia den un comunicado. Ehecucionan di e compania Italiano a papia cu e comision di Cas Blanco encarga cu e rescate encuanto un proposicion pa cumpra un participacion di 35% den e compania Mericano

a cambio di tecnologia pa desarrollo di autonan chikito, transmision y otro articulonnan cu e compania Mericano a evalua na entre 8.000 miyon y 10.000 miyon dolar.

Mientras tanto, e otro gigante lo dispone di un oportunidad limita pa negocia cu United Auto Workers Union, doñonan di bond y otro accionistanan y lo ricibi un cantidad no revela di “financiamiento interino” durante 60 dia pa restructura. E funcionarionan a bisa cu gobierno lo determina cuanto e compania aki lo tin mester na “capital permanente” durante e periodo di 60 dia.



Si e compnia no logra alcanza e concesionnan necesario, na final di e plazo lo por declara un tipo di bancarota, e funcionarionan a laga sa.

E dos companianan, cu tin como 140.000 trahador, tabata tin tempo te awe pa presenta e plannan di restructuracon completo, pero aparentemente ningun di dos lo ta cla pa awe. Gobierno tin pensa di manda un ekipo pa Detroit pa yuda cu e restructuracion durante e proximo sesenta dianan.

E asistentenan di Obama, consciente di e problema cu Cas Blanco lo enfrenta si miles di mericano mas perde trabao, a designa e subsecretario di Trabao Ed Montgomery pa encabez e accionnan den e ciudad y pueblonan cu ta depende di e industria automotriz. Segun e asistentenan, Obama a hereda e desorden den e sector automotriz di su predecesor, George W. Bush.

## Dia di informacion

Na Universidad di Aruba

**Faculty of Law**

**Faculty of Arts and Science**

**Faculty of Accounting, Finance and Marketing**

**Faculty of Hospitality and Tourism Management Studies**

Dia: 4 April 2009

Ora: 9 AM - 1 PM

*\* Lo tin cuida/entretenimento pa muchanan durante sesion*

**University of Aruba**  
J.E. Irausquinplein 4 / P.O. Box 5  
Oranjestad, Aruba

Pa mas informacion yama: 582-3901



# Obama a pidi presidente di un di e principal empresanan automotriz pa renuncia

**PRESIDENTE** di un di e principal empresanan autmotriz di Merca a anuncia su renuncia ayera despues cu den un reunion cu Gobierno na Washington e'la wordo pidi pa haci tal.

E presidente aki asina a bira e prome victima di e plan profundo di restructuracion cu presidente Obama lo a anuncia ayera tardi pa salba e sector automobilistico di Merca.

E presidente saliente a bisa cu su sucesor "ta un excelente escohencia pa ta e proximo presidente di e empresa. Mi a traha cune pa hopi aña, y mi sa cu e ta e persona ideal".

Den su comunicado, e presidente saliente tambe ta informa di e nombramento temporal di un presidente no-ejecutivo di e hunta di directiva, cu ta bin di Northman Grumman Group.

E gigante Mericano ta tene su

plantanan habri danki exclusivamente na e 13.400 miyon dolar cu Washington a fia nan desde december y nan a adverti cu nan lo por tin mester di te cu 16.600 miyon mas den proximo añanan.

E presidente saliente ta ocupa e puesto aki desde aña 2000 y bao su mandato e empresa a stop di ta e fabricante number 1 di auto na mundo, un puesto cu awor ta den man di Toyota.

E tabata responsabel tambe pa e cancelacion, na aña 2000, di e prome vehiculo electrico diseña pa benta masivo. Despues e'la admiti cu e cancelacion di e vehiculo electrico tabata e peor decision di su mandato.

Awe, dos di e fabricantenan di auto mas grandi na Merca (cu a haya 4.000 miyon dolar na prestamo di gobierno desde december y a pidi 5.000 miyon mas) mester presenta nan plan



definitivo di restructuracion na Departamento di Tesoro (Finanza) Mericano.

Gobierno Mericano a bisa cu nan lo haya mas placa solamente si nan (Gobierno) ta di

opinion cu e plannan ta adecuado pa garantiza sobrevivencia a largo plaza di e fabricantenan.

## Calderón ta busca respaldo na Reino Uni



**PRESIDENTE** di México, Felipe Calderón, ayera a inicia su prome bishita di Estado na Reino Uni, caminda e lo asisti

na e cumbre di G-20.

Ta trata aki di e prome viahe oficial pa London di un mandatario Mexicano den casi 25

aña.

Segun e coresponsal di BBC na México, Stephen Gibbs, Calderón ta trata di gana confianza di inversionista y turistanan den su pais, na momento cu e guerra contra e cartelnan di droga a intensifica.

E presidente Mexicano y su señora, Margarita Zavala, na London a wordo ricibi pa Reina Isabel II y su esposo, Duke of Edinburgh, y nan ta hospeda na Buckingham Palace.

Calderón tambe a reuni cu e prome ministro Britanico, Gordon Brown.

E dos lidernan a discuti riba nan relacionnan bilateral y e cumbre di hefenan di Estado y di Gobierno di G-20, e grupo cu ta integra e 20 principal paisnan industrializa y emergente di mundo, entre nan México.

E reunion di G-20 lo haci un esfuerzo pa haya solucionnan pa e crisis economico global

y pa impulsa un cambio den e sistema financiero internacional.

México ta e di dos economia mas importante di América Latina y e di 12 di mundo.

Despues di e reunion cu Brown, Calderón a reuni cu líder di e partidonan Conservador, David Cameron, y Liberal Democrata, Nick Clegg.

Awe e mandatario Mexicano ta viaha pa Aberdeen, Scotland pa bishita e sede central di British Petroleum (BP).

E reorganizacion y modernizacion di e compañía estatal di petroleo Pemex ta un di e prioridadnan di e gobierno di Calderón.

E cambio climático ta otro asunto cu e presidente Mexicano ta trata na Reino Uni.

Su gobierno a bisa di kier converti México den un modelo di sostenibilidad dentro di e mundo den desaroyo y a

priminti di corta e emision di dióxido di carbon (CO2) na mitad pa aña 2050.

Mañan, Calderón lo bishita Westminster Palace, sede di Parlamento Britanico, y lo asisti na e recepcion cu Isabel II ta ofrece pa duna bonbini na e lídernan di G-20 den Buckingham Palace.

E dia siguiente, e presidente Mexicano lo participa na e cumbre di paisnan industrializa y emergente, caminda ta ser spera cu e lo haci un yamada contra proteccionismo dentro di e crisis financiero internacional.

Den un entrevista cu BBC prome cu su bishita na London, Calderón a bisa cu comercio liber ta e mihor manera pa sali di e turbulencia global.

Economía Mexicano ta altamente dependiente di exportacion, specialmente pa su bisña di nort, Merca.



# Sargento Mericano declara culpabel di asesinato di preso na Irak

E sargento Mericano Joseph P. Mayo ayera a wordo declara culpabel di asesinato di cuater preso na Irak na 2007 pa un corte marcial na Alemania.

Mayo tabata un di e siete soldadnan involucra den e asunto aki, durante cual cuater preso Iraki cu man mara y cu wowonan tapa a ricibi tiro den cabez y e curpanan a wordo tira den un canal na Bagdad.

Poco prome, Mayo a declara su mes culpabel di asesinato.



## Den cuater aña Venezuela a gasta US\$220.000 miyon den paisnan aliado



**CU** entrada di nan ganashi petrolero Venezuela lo a gasta mas cu 220.000 miyon dolar na inversion, subsidio y donacion na 14 pais aliado entre

2005 y 2009. Asina un estudio di 'Centro de Investigaciones Económicas' (CIECA) a revela y cual a wordo cita den prensa local.

Segun e investigacion publica den e corant El Universal, den e anoncionan gubernamental a wordo informa di e gasto den exterior di 220.573 miyon dolar den e ultimo cuater añanan, presupuesta pa financiamento di inversion, importacionnan di Estado, donacion y subsidio na nacionnan manera Rusia, Cuba, Bolivia y Argentina.

Riba e lista di paisnan receptor, Rusia ta ocupa e prome lugar cu 34.485 miyon dolar na compra di arma y convenionan energetico, sigui pa Cuba cu 24.721 miyon dolar, cu ta icnlui desde e electrificacion di Havana te na un factura di 90 mil bari di petroleo pa dia.

Segun CIECA, e pago pa e petro-

leo ta wordo reembolsa cu donacion of trueke cu productonan alimenticio, manera ta e caso cu Cuba, cu a entrega bulbnan electrico di consumo abao y a contra presta cu servicionan medico via e programa social 'Bario Adentro'.

Un mecanismo di ayudo cu tambe ta destaca den e estudio ta e compra di e debe externo di Argentina pa 5.000 miyon dolar, loke a wordo considera pa e empresa di investigacion di credito CMA Datavisión - menciona den e informe - como esun di "más riesgo" despues di e debe di Ukraina.

Tambe a entrega hospital y scol na Uruguay y Guatemala, placa

pa compra di truck di sushi na Haiti y tractor na Honduras.

Na esaki ta suma otro estudio di e propio compania estatal Petróleos de Venezuela (PDVSA) corespondiente na e di tres trimester di 2008, caminda por conclui cu e pais ta suministra 689.000 bari di petroleo pa dia na paisnan di Caribe, Centro América y Sur América, cu credito te 25 aña pagadero na 1% di interes.

Un siman pasa Venezuela a anuncia un serie di medida dirigi na suaviza e crisis global, den cual ta destaca e recalculacion di e prijs di crudo den e presupuesto nacional y e aumento di impuesto di benta (IVA) di 9% pa 12%.



Den su discurso di despedida

## “Na universidad bo ta siña teoria, pero den practica, bo ta siña, ora bo saca bo cabez riba e multitud, nan lo bula esaki pabo”

Juan David Irausquin Presidente saliente di ATIA

**DEN** su discurso di despedida, Juan David Yrausquin a bisa cu ora e tabata studia na universidad di IVA Driebergen na Hulanda, nan a siña pa “saca su cabez riba e multitud”. El a bisa cu na Aruba sin embargo bo ta wordo siña “si bo saca bo cabez riba e multitud nan lo bula esaki pa bo”.

Bisando esaki, e Presidente saliente di ATIA a repasa tur su intencionan pa por a mantene e liñanan di contacto y di dialogo cu Gobierno habri. El a splica cu aunke cu e tabata un tarea dificil, na cierto momento tabatin mas comunicacion cu Gobierno y dor di esaki a evita cu diferente ley y plannan a ser ehecuta cu lo tabatin un efecto negativo riba ATIA su miem-

brecia y consecuentemente pa Aruba en general.

El a splica cu ATIA mester ta dispuesto si di sacrifica e relacion aki si acaso Gobierno ta eherce actonan intrasparente. Juan David Irausquin a recorda esnan presente cu un di e obhetivonan segun statutonnan di ATIA, cu a wordo determina casi 65 aña pasa, ta di promove etica y transparencia den tur sentido di palabra y cu no ta pornada cu ATIA su logo ta contene e palabra integridad.

Na final, Juan David Yrausquin a yama henter e miembrecia y directiva di ATIA danki p’e sosten y apoyo durante e ultimo 2 añanan y a sigura tur hende cu e ta sinti su mes masha orguyoso

y honra di por a lidera e organizacion aki.

El a desea Stephen Daal y su directiva hopi forza y exito den futuro.



## RED cu anochi sumamente exitoso na Paradera



**RUDY** Lampe a informa nos cu diasabra ultimo tabata tin otro actividad sumamente exitoso di partido RED. E fundraising Bingo a surpasa tur expectativa. Club Caiquetio tabata yen yen y no tabata tin lugar pa mas hende. Na mesun momento por a registra pa vota pa eleccion Europeo y cantidad di ciudadano a hasi uso di e servicio aki.

RED ta gradici un y tur cu a yuda hasi e anochi aki asina exitoso. Y un palabra grandi

di gratitud ta bai pa e publico. Partido RED ta demostrando una bez mas cu nos ta creciendo rumbo pa eleccion 2009. A pesar di tur critica infunda, rumornan falso, difamacionnan contra RED, nada no por stop RED di sigui crece. Pueblo sa di husga cu pasobra RED ta creciendo, e criticanan tambe ta creciendo. RED ta e partido alternativo cu tur bista ta riba dje como esun cu por construi un miho futuro pa Aruba. Asina Lampe a conclui.





# Inauguracion di Caya Regina 'Ina' Oduber-Croes



**DIASABRA** 28 di maart 2009 a tuma lugar e desvelo di e borchí cu ta indica nomber nobo di e caya cu ta pasa dilanti di Isla di Oro y caba te n'e rotonde nobo na Pos Chikito. E caya aki a haya nomber di Regina 'Ina' Oduber-Croes. Regina, mihor conoci como Ina a nace dia 28 di maart 1928 y a fayece dia 15 di februari 2002 n'e edad di 73 aña. Ina tabata un persona hopi keri den pueblo di Pos Chikito y Savaneta.

Aunke descendiente di Papi-lon, Santa Cruz, Ina Oduber-Croes a ser bon ricibi den e bario di Savaneta, unda e cu su casa a biba pa un tempo y despues tambe den Pos Chikito ora nan a muda pa Pos Chikito, unda nan a biba pazuid di Panaderia Baby Bakery cu awor ta Rey Hing, mientras nan tabata traha cas pazuid di Oduber Welding Shop cu tabata di su casa Adolfo 'Dochi' Oduber. Ina Oduber-Croes tabata un

ser hopi special, un persona cu hopi amor y cariño pa su pro-himo. Un persona cu semper tabata cla pa yuda tur esnan cu tabatin mester di su ayudo. E ta bon conoci pa su actonan di bondad, no solamente den tempo di Pasco, ora e tabata prepara su macutonan p'e reparti, pero tambe durante aña e tabata bishita famianan cu tabata den necesidad y yuda unda cu e por a yuda. Ina a yuda hopi tambe pa locual ta misa di Savaneta. Despues cu el a stop di canta riba koor, el a keda duna su aporte na su religion y su misa. Un cos mester keda menciona ta, cu e no ta gusta pa bisa man robez kico man drechi ta haci. Semper e kier keda incongnito. E no tabata gusta ta den centro di atencion.

Yiunan y famia a keda hopi contento cu e Comision di Mantencion di Misa di Savaneta a propone Gobierno di Aruba pa nombra un caya na nomber di nan mama keri. Y ki genial tabata di dune hustamente e caya aki, ya cu el a biba na dos diferente adres den e mesun caya aki. Famianan kier a gradici Comision di Mantencion di Misa di Savaneta y tambe Gobierno cu nombramento di e caya y desvelo di e borchí cu ta indica Caya Regina 'Ina' Oduber Croes.

## Cruz Cora cu training di rescate na piscina Roly Bislick

**DIADOMINGO**, 29 di maart 2009, Cruz Cora Aruba a organiza un training specialmente dedica na rescate di victima cu a haya nan mes den problema den un piscina. Tecnicanan a wordo demostra y practica con pa bira e victimana traumatiza pa despues den un team haya e victima posiciona corectamente riba e backboard pa despues sake for di e piscina. Personanan interesa pa bira boluntario di Rode Kruis Aruba por tuma contacto cu sra. Marieta Wanopa na 592-4885. Bo tambe por haci un diferencia!





# Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente. AWEMainta ta keda cu e derecho reduci of edita esakinan pa publicacion.

## Danki na AWEMainta pa lagami expresa mi mes na pueblo di Aruba

Pa: Jean Paul van der Kuyp.

**DESPUES** di mi relato den e corant di AWEMainta mi a haya hopi reaccion di mama, tata, rumanan, famia, amigonan di adiconan cu mester di ayuda pa por sali for di

nan problema. Mi tin un lista di persona cu kier rehabilita na Narconon Colombia, desafortunadamente nan no tin recurso pa realiza esaki!!

Ami a purba di yuda nan y a puntra un mama precupa pa tuma contacto cu AZV p'asina manda su ser keru drecha su vida, pero sin resultado locual ta di lamenta!!

Na Colombia e seguro EPS ta cubri e gastonan pa adiconan bin rehabilita na Narconon como cu e ta reconoci di ta un rehabilitacion efectivo, ami ta puntra mi mes un isla manera Aruba cu tin seguro, esta AZV cu ta mandando hopi persona cu un malesa pa opera na Bogota, Colombia no por yuda un adicto cu ta segura, pa rehabilita na

Narconon Colombia?(FOEI!!)

Tambe mi a tuma contacto cu Departamento di Salud (Booshi Wever) telefonicamente y di biaha nan a lagami sa cu no tin placa.

Mi kier a bisa e personanan aki pa nan no perde esperansa mi a inicia conversacion cu personanan ku si kier yuda nos yiu di tera pa nan por yega na un bida saludable.

Claramente e personanan aki no ta di e partido MEP cu no ta haciendo nada efectivo pa yuda nos hendenan y cu dia pa dia nos isla ta birando pio den e problema di droga y criminalidad. Ami ta invita pueblo di Aruba pa habri wowo y ban wak ken ta realmente saliendo dilanti den e epoca cu MEP ta goberna. Friends and family??

E mihor cos cu ami por a duna mi mes y mi yiu homber John D van der Kuyp tabata e detoxificacion na Narconon cu a saca tur sorto di toxico di mi curpa y



a laga cu mi yiu a nace saludable.

Ami sa cu e cambio lo bin pronto unda nos lo yuda otro pa un y tur ta sali dilanti caminda nos yiunan no ta cay den droga caminda lo tin ayudo adecuado pa saca nos yiunan for di adicon y lo

tin hopi menos criminalidad!!!

Pa mas informacion, yama 0057 3133923339 of mail: jpkuypp@hotmail.com

Defendiendo su ruman muher pa no practica sex prome cu casa

## Abdool Wahab a hinca e amigo di su ruman muher cu cuchiu

**HUEZ** a bisa Abdool Wahab cu e tin suerte cu el a hinca na bariga di e victima no tabata fatal. Dor di esey Huez a bay di acuerdo cu e exigencia di Fiscal, esta pa impone castigo condicional y 240 ora di servicio pa comunidad.

Fiscal a acusa Wahab cu dia 29 di maart 2007 cu un cuchiu el a hinca homber L. Croes. Fiscal ta considera esaki un intento di mata y subsidiario maltrato cu arma.

Abdool Wahab a splica Huez cu e tabata bao influencia di alcohol ora cu un hende a bise cu un hende a menaza su ruman muher. Abdool Wahab a bisa cu e sa cu ta bao influencia di alcohol no ta un excusa, pero en realidad e no ta corda mes

di a hinca e homber Croes cu un cuchiu di 18 cm na su bariga. Wahab a bisa cu nan religion Moslim no ta permiti hende muher tene relacion sexual prome cu nan casa.

Den e caso aki, e hunto cu su tata y un otro familiar a bay haya su ruman muher den kamber hunto cu L. Croes. Huez a puntr'e cu el a rabia, pasobra e ta kere cu su ruman lo a tene relacion sexual cu Croes. Según Abdool Wahab e no a rabia p'esey sino cu L. Croes tabata menaza su ruman si e bay lag'e e lo bay conta e mayornan cu el a tene relacion sexual cune.

Huez a indica cu L. Croes no kier a haci denuncia, pero Fiscal

mes a dicidi di persigui Abdool Wahab. Según Abdool Wahab e ta papia cu L. Croes y cu e y Croes ta bon bon cu otro.

Huez a muestra cu Abdool Wahab na dado momento a wordo laga liber, pasobra su mama ta hopi malo. Huez a puntr'e con a sigui cu su mama. Wahab a bisa Huez cu su mama no ta traha mas ya cu e tin cancer.

Abogado mr. Chris Lejuez muestra cu Abdool Wahab sufri di malesa caminda haya bulto na curpa. Wahab a kita caminsa den Corte pa muestra Huez e bultonan. Fiscal a keda asombra di mira cierto rasca na curpa di Wahab y a puntra kico eseynan ta.

Según Abdool Wahab eseynan

ta tempo cu e tabata bay skol y nan a rask'e cu blade na su man. Riba pregunta di mr. Chris Lejuez, el a bisa cu su tata ta un alcoholico.

Fiscal ta haya cu loke a sosode 2 aña pasa a causa hopi panico serca famia. El a muestra cu L. Croes diferente biaha a declara cu no kier haci denuncia, pero Fiscal, mirando e seriedad di e caso a dicidi di persigui di Wahab tog.

E no ta haya necesario pa bay Abdool Wahab bolbe bek KIA, asina Fiscal a expresa. E ta kere cu servicio na comunidad lo ta na su lugar y sigui cu un programa di Reclasering. Fiscal ta preocupa pa cierto cos cu Wahab a haci y ta haya cu

Reclasering den combersacion cu Wahab lo por duna cierto guia.

El a existi 360 dia sera di cual 324 dia ta bira condicional cu un tempo di prueba di 2 aña, kitando e tempo cu e tabata sera y cu e mester haci 240 ora di servicio comunitario. A fiha un tempo di prueba di 2 aña.

Huez a dicta sentencia di biaha. E ta haya Abdool Wahab culpable di intento di mata. E ta haya cu Abdool Wahab a siña su les y a hala su atencion pa keda leu di alcohol y tene na cuenta cu su mama ta malo. Tambe Huez a bise pa haci tur esfuerzo pa cumpli cu e oranan di servicio pa comunidad. Huez a confirma e exigencia di Fiscal.



# Minister di Husticia Rudy Croes a haci apertura oficial di e proyecto Radex



**DIABIerna** atardi a tuma lugar na un di e balinan di Imigracion na Aeropuerto Reina Beatrix apertura oficial di e proyecto Radex/RPS y cual proyecto su meta principal ta pa profesionalisa den forma eficiente e procesamiento di pasport na momento di salida y entrada di pasaheronan. E inauguracion

di e proyecto aki tabata na encargo di Minister di Husticia sr. Rudy Croes. Den un forma simbolico sr. Koos Veel di Gamma Research a haci entrega di su pasport na Minister Rudy Croes, kende na su turno a percura pa den fraccion di algun seconde e pasport aki wordo gescan y cu esaki tambe ta duna permiso na

sr. Veel pa pasa dor di Imigracion Arubano. Sin duda algun cu e Radex aki, pais Aruba a haya un bunita proyecto cu ta trece envidia pa hopi otro pais na mundo. N'e ocasion aki tabata presente tambe, Rudy Kelly, Joy Fingal, Martin Ras, Ruben Goedhoop y demas personal di Gamma Research.

## Recibimento ta serca No busca Leu ..... “Manchito’s



Pa tur bo articulo  
di Prome  
santa communion

**Mercancia nobo a yega, tanto pa mucha muhe y mucha homber !**



FERGUSONSTRAAT 71, ORANJESTAD, ARUBA  
TEL/FAX: (297) 582-2303

## Desiree correa ta ricibi premio literario: Tapushi di Oro



**DURANTE** e competencia Arte di Palabra cu a tuma lugar den fin di siman na Corsow y na unda dos hoben Arubano a participa, e escritora Desiree Correa a ricibi e Premio Literario Tapushi di Oro. E premio aki ta wordo otorga na e persona cu ta forma un baluarte di nos idioma materno papiamento. Ta prome biaha cu un escritor Arubano ta haya e nominacion aki.

E competencia Arte di Palabra ta existi 10 aña y tur aña nan ta premia varios persona, segun un cierto criterio, cu mas a promove, propaganda, stimula y motiva uzo di nos idioma materno. E biaha aki e nominacion a cay riba Desiree Correa cu tin un trayectoria largo den nos mundo literario y cu den luna di november a publica su di diez buki. Su ultimo obra tabata “Manuel” cu tabata e cariño di e siman di buki. Desiree Correa no ta un desconoci den e mundo literario di Aruba. Durante e ceremonia e MC a duna un relato completo di tur e actividadnan cu Correa ta desplega den stimula y motiva uzo di nos idioma, tanto pa localnan como pa personanan di otro habla. Ultimamente Correa ta dunando un curso di “Papiamento Creativo”. Correa tabata hopi emocionada na momento di ricibi e premio cu tabata un sorpresa completo pe. E’la ricibi un pabien grandi di e comision di Aruba cu tabata presente: entre otro Olga Buckley-Zaandam, Munye Oduber-Winklaar, Rubia Bernabela, Swinda Arends, y Amarilys Velazquez



# Tentativamente 24 di juli lo tuma lugar apertura di Parke Nacional Arikok Nobo

**DIRECTOR** di Parke Nacional Arikok, Booshi Curiel a indica cu e ta contento y emociona cu nan porfin ta finalizando e proyecto caminda cu otro siman diabierna posiblemente tin e ultimo aceptacion di edificionan di caminda y despues di esey ta bay over na un aña di tempo di garantia cu e contratista ta keda responsabel pa cuakier defecto den construccion of operacion funcional di edificio y caminda.

A inverti den e proyecto aki alrededor di 17 pa 18 mion florin dor di Union Europeo, guia dor di Asuntonan Economico di Aruba y delegacion di Guyana.

Tentativamente fecha di apertura lo ta 24 di juli di 4'or pa 6'or, pero tin varios asunto cu lo mester sosode ainda pa hunto cu comision di Weganan di Reino, comision di Museo Arqueologico por

tin un apertura cu ta concorda cu otro y caminda cu un famia di Cas Real lo ta na Aruba pa haci esaki.

Segun Curiel a inverti hopi placa den infraestructura y mester conserva naturaleza cual ta e meta principal di e parke. E balance di naturaleza y economia pa sostene e parke ta depende ainda completamente di e subsidio di gobierno.

Na e momentonan aki recauda fondo pa mantencion ta masha limita, pero a base di yudanzanan di exterior a logra. Segun Curiel proximamente nan lo acudi na comerciantenan di Aruba pa ayudo pa proteha loke cu tin y regenera loke a bay perdi. Entre nan tin Plantage Prins y mina di oro pa cual naturalmente mester di fondo. Pero banda di esey, cu apoyo di comunidad di Aruba pa proteha y cuida e parke, pa no kibra nada y no hiba

nada cas. Mescos ta pidi cooperacion na pueblo pa cu e tarifican cu nan lo bay introduci pronto, e conserverends tarief, un tarifa pa conservacion di e parke. Peticion ta na gobierno pa aprobacion y asina keda cla lo tin un poeriodo largo di orientacion y informacion na pueblo unda cu lo haya sa cu un poco aporte di pueblo y bishitando e parke lo bay yuda nos naturaleza, caminda cu e 18% aki di nos isla den futuro lo ta e unico rosea fresco cu Aruba lo tin den futuro.

Booshi Curiel ta indica cu naturaleza ta contagioso por mira tambe cu e mester di un yudanza. "Naturaleza ta parti di nos bida y e ta yuda nos y e ta cultivabo como hende, pasobra sin naturaleza bo no ta nada". Awor cu e regeneracion di e matanan cu mester tey den Parke, nos lo haya un filter na noord oost di Aruba

tremendo pa resto di pueblo.



## Bishita na Presidente di Collectivité Saint Martin



**PRESIDENTE** di Parlamento, drs. Mervin Wyatt-Ras ta informa cu durante reunionnan di Contactplan entre Surnam, Antias y Aruba, ela bishita e Presidente di Collectivite Saint Martin sr. Frantz Gumbs. Durante e bishita aki ela ser informa di e forma di traha di e college aki cu ta e forma di goberna di parti frances di St. Maarten. Manera cu a ser informa nan ta traha estrecho cu tur instancia y recientemente e contacto ta un tiki mas directo cu Paris-Francia. Antes tur contacto cu Paris tabata bai via di Guadeloupe y awor nan tin un representante den senado di Paris. Esaki ta haci segun sr. Gumbs e contacto mas facil. Por bisa cu nan ta manera un municipio di Francia y ta ser dirigi dor di Francia.

Esaki ta otro cu e parti hulandes di St. Maarten cu awor ta optando pa su Status Aparte. Segun sr. Gumbs tin bon comunicacion entre ambos parti di St. Maarten y cu e boom economico na St. Maarten na e parti hulandes sigur tin su efecto positivo pa e parti frances, manera turismo, trabao y entrada.

Alerta di nanishi cora!

## Aruba kier ta den Guinness Book of World Records

Cu caminata di Flora's Clown Doctors

**PREPARA** bo pa un evento grandi na Aruba: e Caminata di Flora's Clown Doctors, cual lo tuma luga diadomingo, 19 di april. E di tres edicion di e parada casi carnavalesco aki lo ta extra special, ya cu nos lo purba di crea un record pa e Guinness Book of Records door di tin mas tanto hende posibel bisti cu nanishi cora di payaso pa 10 minuut continuo. E caminata di 2009 lo ta un evento dibertido grandi un biaha mas, cu hopi musica, payaso y e Disney animals, cu mas excitacion ainda ya cu nos lo ta bayendo pa e Record Mundial!

Creando e record lo rekeri basta logistica complica: testigonan lo ser pidi pa skirbi e informacion di tur e participantenan y e formularionan firma lo wordo hiba pa un notario publico y bailiff kendenan lo ta encarga cu esaki. Despues di esaki, arma cu un



nanishi cora, tur participante lo ser pidi pa para tras di e musica y cuminsa e esfuerzo. Despues di 10 minuut di tin e nanishi bisti, e caminata mes lo cuminsa. E emcee di e evento lo ta e padrino di e Clown Doctors, Ruben Garcia, kende tambe ta encarga cu e "Frozen Moment" despues di e parada.

E cuminsamento como tambe e fin di e parada lo ta na Flora. E ora di cuminsa ta 5'or di

atardi.

Nos ta spera cu tur hende lo marca e fecha di 19 di april riba nan kalender, pa asina un cantidad espectacular di participante crea un record cu no por wordo kibra facilmente. Ken sa: e parada di Clown Doctors lo por wordo filma y poni riba You-Tube pa despues wordo transmiti pa e canalnan Mericano di television manera CNN y NBC. Den un anochi nos tur lo por bira famoso!



# Recordar es vivir: Esaki t'e Roma bieu 1953-1960

Pa: Mario Mateo



Riba e otro foto por mira: Joong Scharbaai, Steve Alexander, Carlito Perez (+), Ismael (Zogo) Orman, Ismael Orman (+), Hilario Reyes, Delbert Alexander, Mario Mateo, Ramon Korsen y Hubert (Parios) Tromp.

**ROMA** a wordo funda dor di Ismael Orman den feliz memoria na aña 1953 na su cas, hunto cu Mai Mateo, Hubert Tromp (Parois). Un team di bario, di Rancho, Madiki, Socotoro y Eagle como bon amigo y famia pa tene e muchanan hunto cu otro. No manera awor.

Cada bario tabatin nan team. Nos tabata hunga contra otro y keda bon amigo di otro. Locual

no tin mas y a produci hopi bon hungador. Nos tabata hunga comercial tur diasabra of diadomingo, ora cu e hungadornan no tin ningun compromiso cu nan club.

Nos tabata train cu teamnan di A klas, B klas y Hoofd klas. Nos a yega di participa den knockout y weganan di vriendschap. E hungador mas jong cu a hunga cu Roma tabata Joong Scharbaai kende a yega di

biaha cu nos.

Un danki ta bay na Joong Scharbaai y famia, kende a laga haci e potretnan bieu di Roma grandi cu nos por a haya esaki.

Nos por mira hungadornan cu a yega di hunga cu Roma riba e potretnan di Roma bieu y tin cu no ta riba e potret, pero cu a hunga cu Roma, manera Teo Bernabela, Urbano Kock, Buchin Willems. Nan no a bay Corsow cu nos bay hunga.

Pa nos a busca uniform, nos ta pasa un colect pa compra flanel na Number-1 Store. Nos mes ta stencil number di e team Roma riba e flanelnan. Ora di wega tur hungador ta bin topa na cas di Ismael Orman den feliz memoria.

E color di uniform tabata geel cu preto y e otro ta blau cu blanco. Despues Roma a dicidi di bay hunga na Corsow na aña 1955 y na aña 1956 durante e siman di Pasco Grandi. Hefe di delegacion kende tabata biaha cu Roma tabata Hose Odor y Frido Hermans, kende ta un ex polis y cu awor ta biba na Corsow. Un bon amigo di nos tur.

Un bon amigo na Corsow tabata zorg pa tur cos, esta weganan y transport y hotel. E weganan cu nos a hunga ta cu teamnan di bario. Nos a perde y gana y tabla tambe. Estudiantes ta un equipo cu a nace for di organisacion di Roma bieu. Roma a yega di hunga cu hungadornan grandi di futbol di Corsow cu a yega di hunga den bond di Corsow. Hopi di nan no tey mas.

Roma a haya bon trato na Corsow. Nos tabatin hopi fanatico. Na aña 1960 nos tur di Roma bieu a duna otro man y a yama otro ayo. Nos tur a keda bon amigo di otro te awe.



E hungadornan di Roma bieu cu ta aparece riba e foto aki ta: Joong Scharbaai, Steve Alexander, Carlito Perez (+), Ismael (Zogo) Orman, Ismael Orman (+), Hilario Reyes, Delbert Alexander, Mario Mateo, Ramon Korsen y Hubert (Parios) Tromp.



## THE CINEMAS

[www.thecinemas.aw](http://www.thecinemas.aw) VALID TILL APRIL 1

AT RENAISSANCE - ORANJESTAD				
<b>PG-13</b>	<b>12 ROUNDS</b>	daily: 5:15	7:40	9:55
		matinee: 12:35	2:55	late show: 12:10
<b>R</b>	<b>GRAN TORINO</b>	daily: 4:50	7:25	9:40
		matinee: 11:55	2:20	late show: 12:10
<b>R</b>	<b>WATCHMEN</b>	daily: 4:40	7:50	late show: 11:00
		matinee: 1:25		
<b>PG</b>	<b>THE PINK PANTHER 2</b>	daily: 4:00	6:20	8:20
		matinee: 12:05	2:05	late show: 12:30
<b>PG-13</b>	<b>MADEA GOES TO JAIL</b>	daily: 5:20	7:35	9:55
		matinee: 12:55	3:10	late show: 12:05
<b>PG</b>	<b>PAUL BLART: MALL COP</b>	daily: 4:15	6:20	8:20
		matinee: 12:10	2:15	late show: 10:15
<b>R</b>	<b>THE INTERNATIONAL</b>	daily: 6:05	8:30	late show: 11:10
		matinee:		

AT PASEO HERENCIA				
<b>PG-13</b>	<b>12 ROUNDS</b>	daily: 5:10	7:30	9:50
		matinee: 12:25	2:50	late show: 12:05
<b>R</b>	<b>WATCHMEN</b>	daily: 4:40	8:00	late show: 11:10
		matinee: 1:15		
<b>R</b>	<b>GRAN TORINO</b>	daily: 4:55	7:15	9:45
		matinee: 12:00	2:30	late show: 12:10
<b>PG-13</b>	<b>MADEA GOESTO JAIL</b>	daily: 5:30	7:45	10:00
		matinee: 1:00	3:20	late show: 12:10
<b>PG</b>	<b>PAUL BLART: MALL COP</b>	daily: 4:15	6:10	8:10
		matinee: 12:10	2:15	late show: 10:15
<b>PG</b>	<b>THE PINK PANTHER 2</b>	daily: 4:40	2:45	late show:
		matinee: 12:35		
<b>R</b>	<b>THE INTERNATIONAL</b>	daily: 6:55	9:30	late show: 12:00
		matinee:		

DRIVE-IN March 26 - March 29	
<b>R</b>	<b>THE INTERNATIONAL</b> Thursday: 8:00 Friday: 8:00 & 10:30
<b>PG</b>	<b>PAUL BLART: MALL COP</b> Saturday: 8:00 & 10:30 Sunday: 8:00

**Matinee: sat & sun | Late show: fri & sat**



# Dia internacional di trabou social e aña aki den cuadro di: **“Trabou social y agenda di desaroyo social: hunto nos ta logra”**

**PRESIDENTE** di Parlamento, sra. Mervin Wyatt Ras en coneccion cu dia internacional di trabou social ta felicita tur esnan cu ta haci e trabou bunita aki y/of cu di un of otro manera tin di haber cu e trabou aki sea paga of sin pago. E anja aki e celebracion ta cu e tema “Trabou social y agenda di desaroyo social”. Cu miras riba e futuro dificil cu ta acercando nos comunidad y mirando cu e conferencia internacional cu lo tuma lugar otro anja lo focus ariba: hunto nos ta construi e agenda social, hunto nos ta asumi e reto y hunto no lo logra.

Mirando tur cambionan den mundo, globalisacion, crisis financiero mundial, cambionan di temperatura etc, nos tin cu mira como reto pa sinja anda cu e cambionan aki. Esnan cu ta den trabou

social tin orea pa tur necesidad den comunidad y den solidaridad ta haci posible cu recursonan ta bira accesible pa esnan vulnerable y den necesidad. Esnan cu ta traha den e ramo aki ta esnan cu ta mira di serca kico ta biba den comunidad y por stimula cambionan social den nos comunidad.

Nan ta esnan cu pues por stimula cambionan positivo tanto serca individuo nan, nan famia y nos comunidad. Pues por haci un diferencia dor di stimula dicho cambio.

Pa es motibo aki esnan cu ta haci un gran labor den sector social mester sosten di nos comunidad pa nan por haci nan trabou debidamente. Asociacion di Trahadornan Social di Aruba ta un organisacion di esnan cu ta traha ariba

tereno social cu ta sostene y apoya colega nan y ta pesey ta importante pa ATSA por haya tur sosten pa asina haci su trabou debidamente. ATSA tur anja ta organisa un actividad ariba dia internacional di trabou social y ta importante pa e keda stimula cu trahadornan social cu normalmente ta superdruk cu ayudo di nos hendenan por para un rato keto, refleha y dedica atencion na e valioso trabou social y su sosten positivo pa nos comunidad.

Procedente di sector social, Presidente di Parlamento ta reconoce e importancia di tur esnan cu ta traha sea pago of voluntario y di un of otro forma tin di haber cu sector social. Nos tin cu mira cu trabou social ta un inversion positivo den bienestar di nos comunidad. Pabien



y ban sigui traha pa logra cambionan positivo pa nos comunidad.

## Colegio EPI Unidad Hospitalidad & Turismo

# Ta pidi cooperacion di industria di turismo

Den conexion cu lugarnan di pasantia (“stage”) pa estudiante



**COLEGIO** EPI Unidad Hospitalidad & Turismo, antes conoci como Hotelvakschool, ta prepara studiantenan ya caba pa 25 aña den e programa di Associate of Science Degree in Hospitality Management. Ademas di e programa aki tambe ta ofrece e programa di Associate of Applied Science in Culinary Arts. E scol ta brinda un estudio di calidad halto y reconoci y ta traha cu diferente scol y organisacion tanto na Aruba como den exterior pa e formacion di un estudiante. Ta varios ex-estudiante di “Hotelvakschool” y EPI awendia ta lider den e industria di turismo aki na Aruba, ocupando puestonan clave den

varios organisacion.

E industria di turismo semper a sostene studiantenan di EPI Unidad Hospitalidad & Turismo door di e.o. coopera cu lugarnan di pasantia (stage), cu ta un parti sumamente importante den nan formacion profesional. Durante e periodo aki ta caminda cu studiantenan ta sera conoci cu e industria pa prome biaha y ta siña na pia di trabou diferente area cu ta pone un hotel of restaurant draai. Akinan ta caminda cu studiantenan ta cuminsa haña amor pa e profesion y ta forma e principio di nan carrera profesional.

E aña aki un biaha mas EPI Unidad Hospitalidad & Turismo ta

cuminsa cu e periodo di pasantia (stage) pa estudiante. Aproximadamente 180 estudiante lo mester cuminsa pronto (comienzo di mei) cu nan periodo di 8 siman di pasantia (stage). Esaki lo por sosode sea na un Hotel of Restaurant, pero tambe na cualquier otro organisacion cu ta sirbi e industria di turismo, y cu ta caminda cu un estudiante por pone den practica locual e la siña den klas.

E ta un oportunidad unico pa ambos estudiante y industria, caminda cu e estudiante ta haña experiencia profesional y caminda cu e industria ta hasi uso di e

capacidad di e estudiante, kende tambe lo por trece ideanan nobo y inovativo pa e organisacion na cual e ta coriendo su “stage”.

Durante e proceso, EPI Unidad Hospitalidad & Turismo no ta pidi necesariamente un salario pa un estudiante den pasantia, pero si ta apela pa considera un forma di “vergoeding”. Motibo di esaki ta cu studiantenan tin gastonan personal pa cumpli cune manera por ehempel transporte, mantencion di nan uniform, cuminda etc. Mester considera cu den e situacion actual, hopi estudiante aparte di ta studia, ta traha pa asina por logra paga nan propio estudio.

Pronto un coordinadora di “stage” lo tuma contacto cu personanan clave den varios organisacion di industria y ta spera di por conta ariba e sosten di semper. Si tin cualquier organisacion cu ta interesa pa bira un “stageplek”, por fabor tuma contacto cu docentenan sra. Zahaira Kelly of sra. Vanessa Loefstop na telefon 5258788/5258780/5258781 of via email na [hospitalidad@epiaruba.com](mailto:hospitalidad@epiaruba.com).

Di parti di EPI Hospitalidad & Turismo danki di antemano pa contribui na e formacion di nos futuro lidernan di e industria di turismo aki na Aruba.



# Laboratorio Familiar a haci chekeo gratis di colesterol



**DIASABRA** dia 28 di maart ultimo, I.L. Laboratorio Familiar N.V. bao direccion di Lic. Irene van der Linde, a participa na e Health Fair cu semestralmente ta ser organisa pa studiantenan di Xavier University. E actividat a cuminsa pa 8 or di mainta na e campus di Xavier University situa na e Happy Mall na Sta Helenstraat na Ponton. Esaki tabata un esfuerso conhunto di Xavier University, Laboratorio Familiar, Optica y diferente otro instancianan cu a bini hunto pa hasi e dia aki un éxito rotundo. E bishitantenan na e dia di

salud por a prik sanger pa controla sucu, colesterol, presion, bista, oido y body massindex. Personal di I.L. Laboratorio Familiar N.V. tabata presente ymasha hopi hende a bin controla nan salud. Un total di 291 persona a hasi uso di e oportunidad pa check nan salud. E personal atento y servicial di I.L. Laboratorio Familiar N.V. ta contento di por tabata presente ariba un diasabra pa duna bek na comunidad como gradicimiento pa e apoyo continuo cu e laboratorio ta goza di pueblo di Aruba. Lic. Irene van der Linde, Direc-

tora di I.L. Laboratorio Familiar N.V. ta di opinión cu mester sigui cu tipo di actividad nan pa asina concientisa e comunidad pa tuma tempo pa controla nan salud. I.L. Laboratorio Familiar N.V. y Lic. Irene van der Linde kier a recorda tur persona cu a hasi uso di e oportunidad aki pa pasa busca nan resultado na e oficina principal di Laboratorio Familiar N.V. situa na de La Sallestraat 72 na Playa di 7:30 am te 5:00 pm. Keda pendiente pa mas di e tipo di actividad nan asina ki!



## Minister drs. Marisol Lopez-Tromp ta reflecciona riba: Dia di Trabao Social

**MINISTER** drs. Marisol Lopez-Tromp kier a felicita tur persona of instancia cu ta haci trabao social y ta desea nan hopi forza y animo. E trabao social ta hopi duro y ta deber di comunidad pa duna e trabao social reconocimiento. Esencialmente e meta di trabao social ta pa duna alivio na gruponan mas vulnerabel den nos comunidad, manera famianan den necesidad, personanan cu limitacion y victimanan di abuso. Esaki

nifica cu e trabao social ta uno na unda ta wordo confronta cu situacionnan dificil tur dia. Den cuadro di e trabao social Gobierno tin un compromiso y responsabilidad pa cumpli cu parti di e trabao social na comunidad y pa duna asistencia na otro organisacionnan cu ta haci trabao social. E departamentonan cu ta desplega trabao social ta: Directie Voogdijraad cu ta traha na bienestar di e mucha

y salvaguardia su derechonan por medio di ley; Departamento di Asunto Social cu ta duna ayudo social individual, ayudo na hubentud, famia y ta traha tambe na desaroyo di comunidad. Gobierno ta duna asistencia na trabao social den forma di subsidio na organisacionnan social pa cubri gastonan di: Operacion; Personal. E fundacionnan cu ta ricibi subsidio di Gobierno ta e.o.:

Ambiente Feliz, ATHA, Casa Cuna Progreso, Cas pa Hubentud, Centro di Bario Savaneta, Centro di Bario Dakota, Centro di Bario Noord, Centro di Bario Tanki Leendert, Centro di Bario Lago Heights, Famia Planea, FEPO, Fundacion pa nos Muchanan, Fundacion Hende Muher den Dificultad, Fundacion Guiami, Imelda-Hof, Parlamento Hubenil, SABA, Stichting Reclassering & Kinderbescherming, Stichting Verstandelijke Gehandicapten, Stichting Kibrahacha,

Te Aworo, Telefoon pa Hubentud, Wit Gele Kruis y YMCA. Gobierno ta trahando riba un forma mas eficiente y efectivo pa duna subsidio cu ta cuadra cu e deseonan di e fundacionnan pa por duna un mihor servicio na nan cliente. Por ultimo Minister drs. Marisol Lopez-Tromp kier a enfatisa cu dia di trabao social ta pa duna balor na e valor di e trabao y su significado cardinal na bienestar di nos comunidad di Aruba.



## Digicel y Womens Club contento cu e respaldo di pueblo pa e campaña aki Genevieve Garcia ta bay Miami cu tur su gastonan paga



**DIGICEL** a saca un solo ganador cu lo por bay Miami awor cu tur su gastonan paga como e premio di e campaña di manda SMS. Manera ta conoci e compania cu mas ta creciendo na Aruba, Antiyas, den Caribe, Centro America y hasta den Oceano Pacifico a start cu un campaña di SMS na unda cu clientenan por a

manda un SMS na number 7575 cu e palabra MIAMI y cu chens pa gana dos pasashi cu tur cos paga pa bay Miami. E campaña a termina dia 16 di Maart ultimo. Cada SMS tabata costa 1 florin y tur entrada ta bay como un donacion na e fundacion cu ta traha na bienestar di e hende muhernan di nos isla.

Womens Club anualmente ta yuda un cantidad di otro instancianan y riba nan mes ta organisa diferente proyec-tonan na beneficio di nos comunidad. Un di nan retonan sinembargo tabata alohamiento y ta precisamente aki Digicel a dicidi di saca un man y asina yuda e organisacion cu

ta existi pa hopi aña caba.

Riba e fotonan adhunto por aprecia momento cu Digicel a haci entrega di un donacion cuantioso na Womens Club como parti di e entradanan cu a bini durante e exitoso campaña di SMS. Riba e fotonan por mira e representantenan di Womens Club hunto cu

gerente di Digicel Aruba, esta Michelle Winklaar y e director di mercadeo pa e islanan ABC, esta Wanda Broeksema den compania di Elaine Singh di Digicel Aruba, entregando e premio na e feliz ganadora Srta. Genevieve Garcia.

Pabien y danki pa sostene Womens Club.

## Entrega di diploma di curso Computer pa Principiante di E.P.E.



*Happy birthday pa Wilfred Malmberg cu a cumpli anja dia 29 maart. Hopi felicitacion ta bin di parti su Senjora Ita cu ta stime masha hopi mes. Su yuinan Ryan, Jacqueline y Jessica. Su nietonan Ryxel, Ryxon y Giandro y nieta Ryxiene. Hopi pabien tambe di parti Carlos, Chendro, Kimsee y demas famia Malmberg y Wolff. Jessica ta manda un brasa grandi for di Hulanda y ta desea Pa hopi salud awe, mayan y semper. Spera Pa a pasa un feliz dia y a disfrute bon. May God Bless You!*



**DIADOMINGO** tabatin entrega di diploma na cursistanan cu a caba cu exito e curso di Computer pa Principiante duna dor di Anna Marila Lacle-Geerman. E cursistanan pa un periodo di 17 siman a atende e curso un biaha pa siman sea diarazon o diabierna anochi di 7'or pa 10'or. Cu hopi pasenshi y gana di siña

traha cu computer y animo di e cursistanan, por a mira un examen final unda nan a demonstra nan habilidad di principiante riba e programma di Windows, Word, Excel y Access. E ceremonia di entrega a tuma lugar na Dominicanesenstraat 36, y Anna Marila Lacle-Geerman a haci e entrega di e diplomanan na: Belkys, Lissette

Brete, Gwendoline Brete, Suzy Nuboer, Natalie v/d Linden, Marian Ruiz, Emelinda Tromp, Rosalinda Geerman y Adrienne Tromp. Tambe Randolph Blanco, Hector Diaz, Jose Figaroa, Theolinda Geerman, Ricardo Oduber, Riza Henriquez, Josse-line Semeleer, Lourdes Tromp, Nico Hessing, Lourdes de Kort, Robert Maduro, Genuard Henriquez, Robertson Thomas y esnan cu a haya un verklaring ta Aaron Howell y Ashiek Mohammed.

Un pabien ta bay na tur esnan cu a haya nan diploma di Enseñansa Pa Empleo, e curso Computer voor Beginners y no para aki sino sigui p'e cursonan avansa. Enseñansa no tin limite y siña computer ta pa tur edad.



# Kiwanis a Instala Miembronan Nobo

**DIRECTIVA** di Kiwanis Club of Palm Beach Aruba a instala cuater miembro nobo durante un reunion di negoshi y instalacion cu a wordo teni na Casa Tua Barcelona Restaurant, den curazon di Oranjestad.

Presidente Rossi Marchena, presidente Electo Patrick Melchior, vice presidente Giovanni Kelly, secretario Omar de Souza, tesorero Raymond Habibe y ex-presidente Lino Quant, hunto cu directornan Ted Johnson, Kishor Karnani, Evan Giel, Ben King, Rudy Perotte, Giovanni Bermudes y Paul Croes a yama e miembronan nobo, Marlon Maduro, Jan Welhage, Robert Moons, Greg Lacle y nan respectivo señoranan, bonbini na e club.

Kiwanis Club of Palm Beach, Aruba, a wordo funda na 1984. E club a cuminsa cu solamente 26 miembro y a crece pa yega su miembrecia actual di 51. Den transcurso di e añanan e club a tene hopi evento pa recauda fondo, incluyendo e fiesta anual famoso di Carnaval Masquerade, cual semper ta tuma lug a e anochi prome cu e Parada Grandi. Kiwanis of Palm Beach ta yuda nos comunidad na diferente manera, incluyendo e patrocinio di gruponan hubenil, limpieza, recaudacion di placa pa beneficia mucha, gruponan di sosten di mucha y beca di estudio.

E club a disfruta di un historia rico durante añanan, cu su miembronan cu experticio

den areanan manera accounting, servicio civil, educacion y maneho. Na 2009 e club lo ta celebrando su di 25 aniversario, un hecho cu lo wordo conmemora cu un di dos esfuerzo grandi di recauda fondo titula 'Ban Uni Florin ...' cual lo tuma lug a dia 30 di april, 2009.

Pa mas informacion click riba e pagina di Noticia y e Kalender di Actividad online of papia cu un di e miembronan, kendenan orguyosamente lo elabora riba e contribucionnan di e club na e comunidad di Aruba.



## NOS TA REGALABO UN CELULAR

Si bo tip conduci na un articulo exclusivo den AWEMainta  
Potret saca cu camara of celular tambe ta participa

# TIPLINE

sms: 733 -TIPS, hotline: 733-8477

of email: tips@awemainta.com



## Digicel

E Red Mas Grandi y Mihor.



# Cacho pitbull ta hinca su doño den gastonan inespera

**PRESENCIA** di polis a wordo pidi na un cas na Piedra Plat, pa un caso di destruccion, unda dos cacho pitbull a ataca un cacho chikito cu ta mara na cadena, den su cura. N’e sitio, polis ta papia cu e muher I.T.G. naci na Aruba di 47 aña, kende ta declara na polis cu su cachonan a ataca un cacho chikito di su bisiaña I.B. naci na Corsow di 45 aña y tabata regla p’e paga e gastonan di veterinario.

I.B. ta bisa polis cu el a tende su cacho grita y ora cu el a sali mira, el a haya e dos pitbullnan ta habraca su cacho. El a cuminsa dal e pitbullnan cu stul y despues cu baranca pa saca nan for di su cura.

Polis a papia cu I.T.G. a bisa polis cu si nan kier nan por tuma medida contra e dos pitbullnan, pero polis a bise cu no t’asina ta regla e asunto y a bise pa tene cuenta cu e dos bestianan peligroso ey.


I.T.G. a bisa polis cu accidentalmente su casa a laga e porta habri y e dos pitbullnan a sali y

## Hoben despues di a dal den pal’i luz, ta lastra auto bay for di e sitio

**POLIS** di San Nicolas, dia-domingo 3.20 di atardi, ta haya informacion cu un Toyota Starlet A-43028 a dal contra un pal’i luz na altura di Oduber Welding Shop. Bayendo p’e sitio, polis ta haya informacion cu algun hoben tabata purba di touw e auto cu un Nissan Sunny A-53417.


Ora cu polis a yega n’e sitio di accidente, e Toyota ni e Nissan tabata mas n’e sitio. Testigonan a bisa polis cu nan a bay direccion di Jaraweg. Polis a bay busca y den Seroe Alejandro, nan ta topa cu e Nissan. Polis a para e auto y a detene e chofer A.M. naci na Aruba di 18 aña, como complice di sconde un hecho castigabel. E auto a wordo getakel y hiba warda di San Nicolas.

ataca e cacho di e bisiaña. I.B. a hiba e cacho veterinario pa tratamento y a resulta cu e cacho su pia tabata mal fractura. E doño di e pitbullnan a paga e gasto.

**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

Cerca Dios so mi alma ta na paz  
Señor Hesus, Abo cu conoce dificultadnan di mundo, yuda nos, pa nos bida di tal manera, cu un dia nos tambe por merece e salvacion cu Abo a gana pa nos y goza di e Gloria di Adios Tata, den cielo cerca Bo. Amen

Cu inmenso tristeza pero hopi agradecido pa tur locual ela significa pa nos, nos ta anuncia fayecimento di nos tata, welo, bisawelo y ruman stima:



**Joseph Ridderstaat**  
Mihor conoci como “Cheppy Posterij” “Cheppy Do”  
\*01-11-1925 +26-3-2009

**Na nomber di su:**

**Yiunan :** Ita Ridderstaat  
Josef (Boes) Ridderstaat y fam.  
Luly Ridderstaat y fam.  
Vito Ridderstaat y fam.  
Mayki Ridderstaat y fam.  
Simy Ridderstaat y fam.  
Nana Ridderstaat y fam.  
Annie Rdderstaat  
Beka Riddertaat y fam.  
Miro Ridderstaat  
Jorge Ridderstaat  
René Ridderstaat

**Rumannan :** + Sra. Emilia Faro, Ridderstaat y fam.  
+ Sr. Jacobo Ridderstaat y fam.  
Sra. Theodora Ridderstaat y fam.  
Sr. Vdo. Antolino Ridderstaat y fam.  
Sra. Vda. Juanita Faro – Ridderstaat


**Tanta grandi :** Sra. Johanna Wolff.

Su swa, y cuñanan, y nieto y nietanan, y bisanieto y bisanietanan, sobrino y sobrinanan y primo y primanan famia: Ridderstaat, Gil, Faro, Giel, Wolff, Hoek, Matos, Tromp, Henriquez, Emerencia, Kelly, Jeandor, Wester, Hidalgo, Marchena, Guzman, Bomba, Maduro, Boekhoudt, Luidens, Martina, Erasmus, Hughes, Obispa, Zara, de Cuba, Croes, Greaux, Bovea, Firma, Holsman, Krozendijk, Zievinger, Hendricks, Adrien, Pieters, Cedeño Reyes, Arends y demas famia ta invita tur famia, amigo, bisiaña y conocirnan, su ex-colleganan di Postkantoor pa asisti na acto di entierro cual ta tuma lugar diaranzon 1 april 2009 pa 4’or di Atardi saliendo for di Misa Santa Anna pa Santa Catolico na Noord. E restonan mortal di Cheppy lo ta reposa for di 1’or di merdia den Misa Santa Anna na Noord.

**Adres di condolencia:** Seroe Janchi 8, Noord  
7’or – 9’or di anochi


Na lugar di flor un donacion pa Wilhelmina Kanker Fonds lo ta altamente aprecia.

Nos kier a pidi nos disculpa si nos por a lubida un of otro famia den nos tristeza.

**AD PATRES**  
funeral home  
van Rensselaerstraat 2  
San Nicolas - Aruba  
E-mail: adpatres@setarnet.aw  
Tel.: (294) 584-2299  
584-8413  
Fax: (297) 584-2266

Abo cu ta biba bou di amparo di Altisimo, ta hospeda den sombra di Dios omnipotente  
Salmo 91:1

Cu inmenso tristeza na nos curazon nos ta participa fayecimento di:



**Thomas Aquino Solognier**  
Mihor conoci como “Mashi”  
ex empleado di Lago

**Na nomber di su**

**Señora:** Sebastiana Solognier-Maduro (Shontina)

**Jiunan:** Frans (Mr. Solo Solognier)y jiunan na Aruba i Colombia  
Rita y jiunan  
+ Regina Ramon y jiunan  
Lica Junior y jiunan  
Olga y jiunan  
Zeraida y jiunan  
Dominico Zandra y jiunan  
Elio Janet y jiunan  
Cerilio Mania y jiunan

**Mescos cu jiu:** Reginaldo Lisandro y jiunan  
Richardt Naire y jiunan

**Tanta grandi:** Berta Gomez Wernet  
**Omo gradi:** Nacho Wernet  
**Cuñanan:** Colin Solognier y jiunan  
Irma Solognier y jiunan

**Bisanieta y Bisanietonan, Subrino y Subrinanan**

**Iha:** Susan Maduro

**Comernan y Compernan**

**Ayudante:** Shiela, Toto y Eddie

Departamento di Ambulance, Wit Gele kruis, Dr, Kelly, Dr. Westrate, Dr. Dennert y Dr. van Leeuwen

**Demas famia:** Solognier, Solagnier, Maduro, v/d Berg, Angela, Rodgers, Pelaez, Levenstone, Faro, Ras, Nesbet, Rasmijn, Ridderstaat, Buenoquiz, Romero, Wernet, Bricieno, de Cuba, Tromp, Kamperveen, Cornes, , del Socoro, Wilson, Jonhoo, Matilda, Comez, Jones, Jonboos, Marti, Arduin, Illidge, Gregorio, Lares, Zapata-Montoya, Gomez, Ferreira, Werleman, Hernandez, Paesch, Carolina

Nos kier a pidi disculpa si den nos tristesa nos por a lubida un of otro famia

**Acto di entierro lo tuma luga Diamars 31 di Maart 2009 pa 4’or di atardi saliendo for di Misa Sta Theresita na San Nicolas pa Santana Católico na San Nicolas.**  
For di 11’or di mainta te cu 13:30 e defunto lo ta reposa na cas Rooi weg 17. For di 2’or di atardi Mashi lo ta reposa den Misa Sta Theresita.

**Adres pa condolencia: Rooi weg 17**



Awe, diamars,  
ultimo dia pa  
paga e di dos  
cuartal di

## Impuesto di vehiculo di motor 2009

**SERVICIO** di Impuesto ta re-  
corda su clientenan – doñonan  
di vehiculo di motor - cu e  
ultimo dia pa paga e di dos  
kwartaal di e impuesto di  
vehiculo di motor 2009, ta  
diamars dia 31 di maart.  
Pues pa e fecha aki e impuesto  
di e prome mita di aña 2009  
mester ta paga.

Na e clientenan kendenan  
ainda no a cumpli cu pago di  
e prome kwartaal, ta conta cu  
nan lo mester paga mita aña  
di e impuesto inclui e gasto di  
e plachinan.

Servicio di Impuesto ta conse-  
ha tur esnan kendenan ainda  
no a haci pago di number di  
nan auto, truck, brommer etc.,  
pa nan haci esaki mas pronto  
posibel y asina evita haya boet  
di polis.

**DANKI  
PA YAMA**  
E celular aki  
ta diho si  
bo tip  
conduci na  
un articulo  
exclusivo



HOTLINE  
**733-8477**

**Digicel™**

Spera Mas. Hanja Mas.



**Aurora**  
*Funeral Home*

Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

It is with deep regret that we announce the death of:



**Emilienne Sylvain Conner.**  
She was affectionately known as Memmen  
who passed away peacefully on the 24th of March 2009.

Emilienne was a member of the  
Bethel Methodist Church in Aruba

**Left to mourn her loss are:**

- Her daughters :** Brenda Lake & Family  
Minerva Conner
- Her Sons:** Leoncito Lake & Family  
Felicien Conner & Family  
Denisio Conner & Family  
Patricio Conner & Family  
Rolando Conner & Family
- Her Step- Son:** Fred Cuvalay (St.Eustatuis)
- Her sisters:** Bernice Hunt & Family  
Iona Lard- Connor
- Her brothers:** George Conner (Taxi 55) & Family  
Alvin Connor & Family
- Her nieces:** Marie- Lou Hunt & Family  
Patricia Adams & Family  
Ghyslaine Adams & Family  
Giselle Arrondell & Family  
Neha Schouten- Lard & Family  
Maroushka Lard & Family  
Desiree Conner
- Her nephews:** James Clarke & Family  
Inario Hunt  
Bennett Hunt & Family  
Patrick Adams & Family  
Rudolph Adams & Family  
Fredy Gautier  
Mark Conner & Family  
Theodore Conner

**Her grandchildren:** Siondra, Dennis, Tjandra, Jessy, Eva,  
Roxanne, Michel, Michael Malcolm, Mauricio, Pamela, Kimberly &  
Kevin.

**Her three great-grand children.**

**Her special friends:** Venderanda Hart (Aruba), Adela Cocks  
(SXM), Sister Roumou (SXM). Prenis Coulangue (SXM), the Members  
of the Brazil Methodist Church (Aruba), Ms. Hyacinth Nicholson  
(SXM) and Her neighbours in Rooi Congo in Aruba.

**Her Caretakers:** Annemarie & Dominique

**Left to mourn are the families:**

Hunts, Conners, Maccow, De Veer, Kliphuis,  
James, Kerkdijk, Francis, Cuvalay, Lard, Adams, Arrondell, Gautier,  
Clarke's, Valks, Schouten, Richardson, Lake, Webster, Van Puttens,  
Codringtons, Hickinsons, Hamlets Duzongzon Family and others too  
numerous to mention.

**The farewell service at:**

Ebenezer Methodist Church, Marigot  
Rue de la Liberte

On Tuesday, March 31st, 2009 At 2:00 p.m.

**Interment will follow at the Sandy Ground Cemetery**

**Aurora**  
*Funeral Home*

Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Laga tur locual cu ta spera mi ta bunita  
Laga tur locual cu mi encontra na caminda ta bunita  
Laga tur locual c uta rondonami ta bunita  
Laga tur locual mi t a laga tras keda bunita y  
Laga esakinan termina den tur buniteza

Cado Wever

Cu inmenso tristesa na nos curason, pero conforme cu Dios su boluntad,  
nos ta anuncia fayecimento inespera di:



**Arthur Douglas Henriquez**  
Mihor conoci como "Turo of Ranca Dak"  
TX-362

**Su rumannan:**

Gladys y Gerichi Croes  
Ruben (TX-66) y Sixta Henriquez  
Chito (TX-9) y Lupita Henriquez  
Tinchi y Marijke Henriquez na Hulanda  
Mariela y Mirto Ridderstap  
Tuda y Chogogo Arends

**Su sobrino y sobrinan:**

Tico y Yuli Boekhoudt y famia  
Tica y Joy Figaroa y famia  
Jochi y Roosje Boekhoudt y famia  
Jair Henriquez y famia  
Afra Henriquez  
Belkis y Igor Mathilda y famia  
Jean Carlo y Ketty Henriquez  
Zahaira y Keith Sightler  
Carlos Croes  
Achmed y Shamila Henriquez y jui  
Amidee Henriquez  
Janina y Jenó Cecilia  
Janaika Henriquez y Derrick Zeng  
Jano Henriquez  
Judeska Henriquez y juinan  
Jourenne Henriquez y jui  
Renata Henriquez  
Mayla Ridderstap  
Rudolfo Arends

**Su cuñanan:**

Erna Henriquez  
Yolanda Henriquez

**Su swa:**

Theo Boekhoudt y Sra.

**Omonan:**

Adrian de Luvio esposa y famia  
Mario de Luvio  
Jose de Luvio (na Hulanda)  
Rudolfo Arends

**Su iha:**

**Su padrino:**

Juan Vicente Croes y famia

Su Primo y primanan na Aruba y Curacao y demas famia, bisifia y  
conocirnan.

Su Amigo y amiganan di Jonathan Racing Team

Su Coleganan di Taxi

**Acto di entiero lo tuma lugar diahuebs dia 2 april 2009 di 2'or pa  
4'or na Misa Inmaculada Concepcion na Santa Cruz y después  
saliendo pa Santana Catolico na Santa Cruz.**

Nos ta pidi nos disculpa si den nos tristeza nos por a lubida un of otro  
famia.

**Despues di entiero nos no ta ricibi bishita di condolencia na cas.**



# Aruba Bank ta haci un donacion na grupo di corector di papiamento



“**NOS** ta apoya e trabou cu e Grupo di Corector di Papiamento ta haci pa nos comunidad y ta aporta cu e proyecto educativo aki”; asina Shanouille Bikker, encarga cu e departamento di mercadeo y promocion di Aruba Bank a bisa na momento di anuncia e compromiso di Aruba Bank y e grupo di Corector di Papiamento.

Riba dia 21 di Maart 2009, Grupo di Corector di Papiamento,

a celebra Dia Mundial di Poesia y Dia di Dia Internacional di Idioma Materno. GCP, manera nan ta conoci tambe, ta un grupo di empleado publico cu na aña 2002 a termina e estudio di Corector di Papiamento na nivel di Enseñanza Profesional Superior (HBO) cu exito. E meta di e Grupo ta pa promove y stimula bon uzo di Papiamento, sin ningun beneficio personal.

Grupo di Corector di Papiamento a organisa conhuntamente cu Departamento di Cultura, Departamento di Enseñansa y Comision Arte di Palabra, un competencia di “Arte di Palabra Aruba 2009” entre nos hobennan. Esaki ta un competencia di poesia y storia cortico pa hoben entre 13 y 17 aña y un competencia di Haiku pa publico en general. E competencia a demonstra un biaha mas cu Aruba tin hoben talentoso, cual nos comunidad mester ta orguyoso di dje.

anochi cultural dia 21 di Maart 2009, durante e ganadornan a presenta nan storia y poesia. Ta trata aki di Yakari Gabriel cu a declama su poesia “Mi kier papia cu bida” y e ganador di cuenta Zaylon Pantophlet cu a presenta cu su cuenta “ Bon Amigo Pedro”.

Aruba Bank y comunidad en general ta desea e hobennan aki hopi exito den e competencia di “Arte di Palabra” na Corsow

E dos hoben ganadornan di e competencia aki lo bay competi den Arte di Palabra contra e ganadornan di Corsow y Boneiro cu lo tuma lugar na Corsow. Grupo Corector di Papiamento a organisa un

**TA BENDE**

1 starlet di Drag di 2 porta cu motor 3S, cu Intercooler y Turbo.  
1 gearbox Djifors 5 speed cu su Trailer gespuit Nobo Nobo.  
**Pa mas informacion yama 5878133.**

**TA OFRECE**

**Bo kier Baha Peso y Bo gusta Baila?**  
Join E les di Slim Down Dancing  
Tur dialuna y diahuebs na Centro di Bario Playa Pabou 8-9pm  
Pa Solamente 40 Florin  
T: 5644875

**CLASIFICADO**

**3 DIA PA SOLAMENTE 25 FLORIN**

YAMA 583-1400 | EMAIL: AVISO@AWEMAINTA.COM

**Resultado di Loteria**

LOTTO CATOCHI

7377

3983

0657

ZODIAC

4760 Tauro

BIG FOUR

6392

SUPER FOUR

0321

LOTTO DI DIA

09-14-15-17-26

**DIARIO**  
3487  
4511  
4970

**CORSOW**  
9940  
8847  
9479

**Servicio pa Comunidad**

**Telefon di Emergencia**

Number di emergencia

911

Polis

100

Brandweer

582-1108

Ambulance O'stad

582-1234

Ambulance S.N.

584-5050

Hospital

587-4300

Centro Medico

584- 8833

**Botica na Warda**

Pabou di Brug: Eagle

Pariba di Brug: Aloe

**Dokter na Warda**

Pabou di Brug: dr.M. Kelly

Pariba di Brug: dr.

**Otro Servicionan**

Setar Info

118

Digicel Info

145

Setar

582-5151

Elmar

582-3700

WEB

525-4600

Serlimar

584-6456

Rode Kruis Aruba

582-2219

FADA

583-2999

AA/NA helpline

583-8989

Fund. Abuso Sexual

582-4433

Fundacion Guia'mi

587-1677

Fund.Muher

den Dificultad

583-5400

Fund.Tel. Pa Hubentud

131

588-6138

Accion Rescate

584-2718

Centro Kibrahacha

588-3131

**Polis**

Polis Tipline

11141

Oranjestad.

582-4000

San Nicolas

584-5000

Savaneta

584-7000

Santa Cruz

527-2900

Noord

587-0009

Strandpolitie

586-3003

Balashi

585-2500

Aeropuerto

582-4800

Aruba Transfer Tour & Taxi

583-2856

582-2116

Best Taxi Services

588-3232

Coop. Ver. Tas

587-5900

ATS

583-5361

Arugas

585-1198

S.O.S. Teleayudo

583-1190

EDITA PA: The Media Group,

Margrietstraat 3, Oranjestad, Aruba,

tel.(297) 583-1400, fax. (297) 5831444,

E-mail: noticia@awemainta.com.

CUENTA DI BANCO:

C.M.B. #229- 82600'.

ORA DI OFICINA: Dialuna pa Diabierna

8 a.m. - 5 p.m.

IMPRENTA: Imprenta Nacional Arubano.

DIRECTOR: Victor "Toko" Winklaar & Victor R Winklaar.

REDACCION: noticia@awemainta.com.

BENTA DI AVISO:

sales@awemainta.com



# FOCUS RIBA FAMIA

**Djis manera nan ta**

Tin biaha te hasta e mihor mayornan tin problema pa acepta nan yiunan djis manera nan ta. Por ehempel, mayornan di un mucha cu ta hopi timido, hopi biaha ta puntrami con nan por yuda e yiu sali di e timidez ey. Na cas por ta e ta haci declaracionnan profundo; por ta e ta comparti su observacionnan di bida y di e caracter di universo, por ta te hasta e ta conta e storianan di mas chistoso. Pero den publico ta como si fuera su lenga ta pega na cada banda den su boca, y su cabez ta baha como si fuera e ta pega na su pecho. Di con e mucha ta asina timido dilanti strañonan? Por ta ta pasobra e'la worde herida of rechasa den pasado. Pero mas probabel ta cu e'la nace asina. Ningun sorto di estimulo of pushamento pa parti di e mayornan lo pon'e cambia bira sociabel, extravagante of sigur di su mes. Su timidez ta djis un funcion di e temperamento cu e'la nace cune.

Mi conseho na mayornan di un mucha asina ta: Stop di purba haci'e algo cu e no por ta. Bai cu e coriente y djis acept'e manera e ta. Djei busca e calidadnan special cu ta duna e mucha individualidad y potencial. Nutri'e. Cultiv'e. Y dune tempo pa forma su mes como un personalidad unico manera niun otro hende na mundo. Abo, como mayor, lo ta menos frustra cu e aceptacion aki y, keremi, bo yiu tambe lo ta.

**PANADERIA DEL PUEBLO**

**Guyabastraat 4, Dakota Tel: 582 4748**

**UITZENDBUREAU  
JOB  
BANK**

Connecting,  
**EMPLOYERS** and  
**JOB SEEKERS** in  
one place!

**Awor cu vacature pa CASHIER  
cu por traha diferente shift.**

JOB BANK ta ofrece su servicionan di Uitzendbureau na pueblo di Aruba en general. Yama inskribi si bo ta buscando trabou, full of part time, of un par di ora di trabou extra despues di bo trabou normal. Tambe si Bo tin deseo di cambia di trabou, yama inskribi !!

JOB BANK, un concepto nobo den e mundo di Uitzendbureau, situa den Layex Building, local M, telefoon 560-9391.

## Polis no a logra detene hobennan coriendo iresponsabel

**DIADOMINGO** 2.45 di madrugada, polis di Oranjestad, durante patruya riba caminda di Tanki Leendert, ta mira un pickup Nissan Dobbel cabina A-14640 coriendo direccion pabao. Polis a mira cu e chofer di e pickup a cuminsa core na un manera irresponsabel y a drenta un caminda di tera cu ta bay Matadera.

Polis a sigui su tras y a start un persecucion. E chofer di e pickup a core drenta den un caminda sin salida. Ora cu e dos ocupantenan a sinti cu nan ta wordo gara, nan a bula for di e auto, y drenta mondi.

E auto a sigui core y a dal den un Toyota Corolla stationwagen cu ta staciona dilanti di un cas. Polis a duna descripcion, di e dos hombernan, tur dos delega entre 16 pa 20 aña, y cu ta midi mas omenos 1.70m. Un di nan tin cabey krul cortico y e otro tabatin net riba su cabes. Polis a takel e pickup y a hibe warda.

## TIPO DI CAMBIO OFICIAL

### Valido pa 31 maart 2009

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.40	1.42	1.44
Engelse Pond Sterling	2.46	2.51	2.57
Zwitserse Frank per CHF. 100	154.67	155.39	156.19
Ned.Ant. Gulden per ANG. 100	98.94	100.00 biljetten chq./overboeking	100.20 100.00
Japanse yen per JPY. 10.000	182.01	183.67	185.52
Euro per XEU. 100	232.85	234.97	237.34

**Provision di Devisa 1.3%**  
Segun articulo 12 di Afkondigingsblad  
di Aruba 1991 nr.GT 32.  
Banco Central di Aruba ta defini  
e tipo di cambio oficial pa e  
cambionan di placa extranhero.

**BANCO DI CARIBE**  
*Nos ta honra Bo confianza*

Universidad di Aruba ta presenta:

## Mainta di Informacion pa Studiante

Diasabra awor dia 4 di april Universidad di Aruba ta invita tur estudiante di Colegio Arubano, EPI y esnan interesa pa inicia un estudio di enseñansa superior na Aruba pa asisti na un mainta di informacion.

Universidad di Aruba tin 4 facultad y ta brinda graduadonan di scol secundario y otro interesadonan cu ta califica pa aplica pa admision, e oportunidad pa sigui un estudio pa obtene un titulo riba nivel di 'Bachelor' of 'Master'.

Universidad di Aruba tin relacionnan estrecho cu universidad y hogeschoolnan Hulandes y universidadnan acredita den region.

Facultad di Derecho tin p.e. relacionnan cu Rijksuniversiteit Groningen y Universiteit van Maastricht. FEF tin relacionnan cu Hogeschool Windesheim y Hogeschool Zwolle. Tambe Universidad di Aruba tin un relacion estrecho cu University of Central Florida pa cu su Facultad di Hospitality and Tourism Management Studies.

Pa su facultad di mas nobo, Faculty of Arts and Sciences, cu ta habri su portanan augustus benidero, Universidad di Aruba tin relacionnan di cooperacion cu Universidad di Puerto Rico, Universidad Interamericano di Puerto Rico y Universiteit Utrecht.

Universidad ta ofrece oportunidadnan interesante pa tur esnan cu kier haci nan estudio superior na nan mes pais. *Pesey mes ta importante pa atende e mainta di informacion pa asina por tuma e decision tocante bo futuro na manera bon informa!*

E mainta di informacion ta cuminsa 9:00 di mainta te cu 1'or di merdia.

E Facultad di Derecho (Faculteit der Rechtsgel-eerdheid-FdR), Facultad Financiero-Econom-ico (Financieel Economische Faculteit-FEF), Facultad di Turismo (Faculty of Hospitality and Tourism Management Studies-FHTMS) y e Facultad di Arte y Ciencia (Faculty of Arts and Sciences-FAS) ta ofrece informacion na esnan interesa den dos sesion di informacion.

E prome sesion ta cuminsa 9:30 di mainta y e di dos sesion ta cuminsa 11:00. Cada sesion tin un duracion di un ora. Entre e sesionnan lo tin pausa y tambe oportunidad pa haci pregunta.

No ta necesario pa registra p'e actividad aki.

Studiante y mayornan ta keda cordialmente invita pa asisti na e mainta di informacion aki diasabra awor dia 4 di april na Universidad di Aruba na J.E. Irausquinplein # 4, dilanti di Postkantoor na Playa.



E Potret di Dia

noticia@awemainta.com



Un mucha homber hoben ta atende rezamentonan di merdia na Sadr City na Bahdad.

Nos Mundo Loco

Landamento synchronisa di oficina

Un grupo di muhernan Ruso a bira estreyanan di interent despues di filma un rutina di landamento synchronisa na nan lessenaar.



E muhernan, kende ta traha pa un compania di architecto, a filma e rutina pa un competencia cu e tema di Olympiada.

Nan a gana for di miles di otro participantenan pa hiba e promer premio di \$7000, y nan video a atrae mas di un miyon hits riba YouTube.

E clip a ser filma secretamente durante nan lunch break. E trahador Mosha Dugina a bisa: "Nos tabata hopi energetico y entusiasmo pa hacie."

"E tabata asina un rosea di aire fresco pa haci algo unda nos tabatin e oportunidad di show off un tiki y mustra hendenan cu nos tin bunita pia largo."

"Mayoria di e tempo nos ta simplemente sinta na nos lessenaar y tur loke hende ta mira ta nos mitar bai ariba."

Ilya Korneev di e organisadornan di e competencia Affect.ru a bisa: "E competencia a atrae miles di aplicante, pero tabata aparente for di un principio cu lo bai tin un ganador claro."

"Nos a pensa cu esey lo tabata e final pero e exito di e muhernan a continua ora cu e clip a yega Europa. E clip a atrae mas di un miyon bishitante e prome simannan."

Misa Crismal



**MISA** di Crisma ta un manifestación di unidad di nos Iglesia, na unda henter pueblo cristian ta reuni, hunto cu e sacerdotenan di cada parokia y cu Obispo como cabez di nos Iglesia local.

Den e celebración aki, Obispo ta consagra e tres diferente azetanan usa den Iglesia, esta: Azeta di Enfermo, Azeta di Catecumenonan y Santo Crisma. Tambe, den e Misa aki, tur sacerdote presente ta renoba

nan compromiso na Señor y na nos Mama Iglesia.

A bira tradición caba cu cada parokia ta tuma turno pa bira e luga di e celebración Eucaristico aki. E aña aki Parokia di San Francisco, tin na su encargo e celebración tan significante aki.

Pa medio di esaki Pastoor Stanislaw y Pastoor Santiago y e comision encarga cu e celebración aki, tin e grato honor y placer pa invita e pueblo di Aruba en general pa bin celebra hunto cu nos e celebracion tan significante aki na Parokia San Francisco di Asis, diaranson dia 8 di april 2009, pa 7'or anochi

**DANKI PA YAMA**

E celular aki ta dibo si bo tip conduci na un articulo exclusivo

**HOTLINE 733-8477**

**Digicel**

Spera Mas. Hanja Mas.

**AWE Mainta**



FINA ta anuncia

# Campeonato CARIFTA, evento clasificatorio pa Weganan Olimpico Hubenil

For di 15 te cu 20 di april 2009 Aruba ta sede di e Campeonato di Caribe, e “**2009 CARIFTA Swimming and Synchronized Swimming Championships**”. Un total di 15 isla di Caribe, pa un total di alrededor di 450 persona, ya caba a confirma nan participacion n’e campeonato regional aki.

E campeonato CARIFTA ta habri pa participantenan bao di 18 aña di edad, pues e proximo generacion di campeonnan den e deportenan aquatico.

E Federacion Internacional di Natacion,

FINA, a confirma e siman aki oficialmente cu e “**2009 CARIFTA Swimming and Synchronized Swimming Championships**”, pa loke t’e competencianan di landamento, ta wordo considera como un evento durante cua e temponan clasificatorio p’e Youth Olympic Games por wordo logra.

E Youth Olympic Games ta tuma lugar otro aña pa prome biaha den historia. Sede di e evento Olimpico Hubenil inaugural t’e ciudad di Singapore.

Pa participa n’e Youth Olympic Games, e participantenan mester a logra un clas-

ificacion y esey mester a sosode durante un evento clasificatorio oficialmente reconocipae Federacion Internacional y pa Comité Olimpico Internacional.

Cu e reconocimiento di CARIFTA como un evento clasificatorio, e competencia ta bira mas interesante p’e landadoman, cu sin duda lo haci mas esfuerzo, no solamente pa gana medaya, pero avor pa logra un tempo clasificatorio p’e Youth Olympic Games.

AZB ta masha contento cu e bon noticia aki di FINA y ta recibiendo tambe reac-

cionnan positivo di parti di e Federacionnan participante n’e “**2009 CARIFTA**

**Swimming and Synchronized Swimming Championships**”.

Awe, diamars: Ultimo dia pa entrega

## “Verzamelloonstaat” y “Verzamelstaat opgaaf derden”

Di aña 2008

**SERVICIO** di Impuesto ta recorda su clientenan cu tin e obligacion di entrega e lista colectivo di pago di salario (verzamelloonstaat) y e lista colectivo di pago na tercera persona (verzamelstaat opgaaf derde) di aña 2008, cu e ultimo dia pa entrega e documentonan aki ta awe, diamars, dia 31 di maart.

Ta sumamente importante pa entrega e documentonan menciona completamente y corectamente yena. Especialmente no mester lubida di menciona e persoonsnummer di cada empleado of tercera persona. Por sosode cu Servicio di Impuesto ta manda e declaracionnan bek pa e cliente si acaso falta informacion.

Normalmente mester entrega e listanan colectivo menciona den luna di januari. E aña aki

Servicio di Impuesto a duna tur cliente dos luna extra. Pues tur cliente a haya 3 luna completo pa por cumpli cu entregamento di e formula-

rionan. Despues di dia 31 di maart Servicio di Impuesto no lo honra eventual petitionnan pa prolongacion di termino.

Tin 2 manera pa entrega e listanan colectivo:

1. e cliente ta yena y entrega e formularionan original cu el a ricibi via post;

2. e cliente ta entrega e informacion den forma digital uzando “LB-disk 2008” of un otro programa di payroll.

E cliente mes ta dicidi si e ta scirbi e datonan na man of e ta procesa esakinan digitalmente.


Si e cliente ta entrega e datonan riba disk, e no tin mester di yena e formulario original.

No ta importa cua forma e cliente ta scohe, pero den tur dos caso, e mester entrega si e formulario original firma bek.

Si e cliente no cumpli cu su obligacion di entrega e listanan colectivo menciona, e ta

core risico pa haya boet te na un maximo di Afl. 10.000,-. Esaki ta stipula den articulo 56 di Ley di Impuesto General (ALB). Servicio di Impuesto lo impone e boet segun su nota di maneho di boet stipula den paragraf 25 di e documento “Boetebeleid Belastingdienst Aruba 2004”, cual ta disponibel tambe riba e website [www.siad.aw](http://www.siad.aw). E boet ta depende cuanto empleado of tercera persona e cliente tabata tin. E boet ta depende tambe pa kico tabata tin incumplimento: sea ta pa no entregamento, entregamento laat of e formularionan no ta contene tur e datonan rekeri.


Servicio di Impuesto ta conseha e clientenan cu tin e deber di entrega e “verzamelloonstaat” y e “verzamelstaat opgaaf derden”, pa yena e formularionan aki corectamente y completamente y despues entrega nan na tempo. Asina e cliente mes ta evita un posibel boet di incumplimento.



**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

“Señor ta mi wardador, mi n= tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña forsa.”  
Ps. 23:1,2,3

Cu inmenso tristeza na nos curazon, nos ta participa fayecimento di:



**FRANCISCA BOEKHOUDT**  
mihor conoci como: “Lie”

**Na number di su:**

**rumannan:** Ninita Boekhoudt  
Sra. Vda. Janda Dirksz-Boekhoudt  
Hendrika Boekhoudt  
Alejandro (Janjo) y Betty Boekhoudt-Boekhoudt  
Vicente (Kees) y Solange Boekhoudt-Salomons

**sobрино y sobrinanan:** Gretha y Esteban Thiel,  
Yvonne y Anthony Laclé  
Astrid Dirksz  
Wini Dirksz  
Renny y Choy Dirksz-Wong  
Raymond y Haidee Boekhoudt  
Mariska y Michael Lin  
Alvin y Jessica Boekhoudt  
Gweny y Jerry Lisapaly  
Meredith y Richard Gibson  
Tamara Boekhoudt

Nerissa Lacle y Lex Bouwer, Josephine Lacle y Robert Tromp,  
Armand Lacle, Laura Dirksz, Alejandra y Daniella Boekhoudt,  
Michelle y Jonathan Lin, Dylan y Jeslyn Boekhoudt, VJ Lisapaly, Ava y Pierce Gibson;

**Prima nan di cas:** Livia y Rufo Lampe, Mia y Katrien Hernandez, Lucia y Pepe de Freitas;  
Demas primo y primanan, Su ihanan: Ina van Ierland, Livia Lampe, Alvin Boekhoudt

**Demas famianan :** Boekhoudt, De Mey, Dirksz, Salomons, Laclé, Coronel, Hernandez, Luidens, Thiel

y demas famia ta invita tur conocirnan, bisiñanan, su verpleegsters di Wit Gele Kruis  
pa asisti na **acto di entierro cual ta tuma lugar diamars 31 di maart 2009 pa 4’or di atardi saliendo for di Misa Santa Filomena pa santana catolico na Paradera.**  
E resto mortal lo ta reposa for di 2’or di atardi den Misa Santa Filomena na Paradera.

**Adres pa condolencia:** Seroe Preto 3, Paradera  
di 7’or pa 9’or di anochi



## Oslin (Chin) Boekhoudt a recibí premio prestigioso di Prins Bernhard Cultuurfonds



**DIABIERNE** ultimo a tuma lugar e prome reunion di Prins Bernhard Cultuurfonds, unda e biaha aki a haci entrega tambe di e prestigioso premio di Prins Bernhard Cultuurfonds.

A toca sr. Oslin (Chin) Boekhoudt pa a ricibi e premio prestigioso cultural di Prins Bernhard Cultuurfonds for di man di Gobernador, Freddy Refunjol, Regent di Prins Bernhard Cul-

tuurfonds. aki ta wordo otorga na un persona cu a destaca riba tereno cultural.

Sr. Chin Boekhoudt tin un trayectoria hopi largo y impresionante riba tereno di teatro, tanto local como regional y internacional. Den su palabra di gradicimento sr. Chin Boekhoudt a expresa su gratitud y orguyo pa por a ricibi e premio ppecial aki. Pa coincidencia ta

toca e mesun sr. Chin Boekhoudt, kende a scirbi e monolog “Sonrisa di Max”, cual t’e storia di e heroe nacional Boy Ecury, pa ricibi e premio den cas caminda Boy Ecury a nace, esta Cas di famia Ecury den Schelpstraat. Prins Bernhard Cultuurfonds ta dispuesto na financia e ondertiteling di “Sonrisa di Max” cual a wordo poni riba dvd.



## Gobernador Refunjol y Directiva di Prins Bernhard Cultuurfonds masha impresiona cu Museo Archeologico



**MANERA** conoci diabierna ultimo directiva general di Prins Bernhard Cultuurfonds a tene su prome reunion di 2009 den “Fruteria” di Museo Archeologico. Prome cu reunion a cuminsa oficialmente, e archeologo Harold Kelly y e colaborador educativo Margarita Wever a duna un rondleiding den e Museo Archeologico situa den “Cas di famia Ecury”.

Gobernador Freddy Refunjol y e demas miembronan di PBCF

a keda hopi impresiona cu e bunita di e edificio monumental y mahestoso despues di e restauracion total cu a tuma lugar durante e ultimo añanan aki. E contenido di e coleccion di Museo a worde poni na un manera hopi profesional, moderno y hopi yamativo pa usuario di tur edad.

Un caluroso pabien na Vivi Franken-Ruiz y su team cu a percura pa cada detaye hanja su debido atencion!

Gobernador Refunjol a haci entrega di cheque cu ta cubri e subsidio p’e proyecto di Festival di Piano bao direccion di sr. Armand Simon y tambe na sra. Wilma Kuiperi-Jansen a ricibi un cheque pa Fundacion Artland.

Den number di tur artista y esnan laborando riba tereno cultural sra. Wilma Kuiperi-Jansen a gradici Bernhardfonds pa su aporte valioso na cultura di Aruba. E subsidio con poco

cu e por ta, ta un estimulo pa sigui traha y sigui perfecionanos mes.

E reunion a conta cu presencia di entre otro Gezaghebber di Bonaire mr. Glenn Thode y representantenan di Gezaghebbernan di Saba y Sint Eustatius, fuera di Presidente sr. Winthrop Curiel y demas miembronan di Corsow.

Pa Aruba a wordo trata y aproba e proyecto di Museo Archeologico titula “Rancho” (Afl.

25.000) y e proyecto di Fundacion Heart of San Nicolas (Afl. 25.000) y subsidio parcial pa publicacion di e buki nobo di sra. Tchung-Engels.

Despues di un almuerzo hopi special na Chez Mathilde, Departamento Arubiana di BNA den Bachstraat a worde bishita. Hopi aprecio tabatin p’e departamento aki cu tin un caracter hopi agradabel y trankilo, un ambiente cu ta invita pa haci research.